









不勝其多

新疏

雲東王

林

直致遠

百濟

義慈王

高麗

太祖

成宗

不勝其多

新疏

雲東王

林

直致遠

百濟

義慈王

高麗

太祖

成宗

不勝其多

新疏

雲東王

林

直致遠

百濟

義慈王

高麗

太祖

成宗







東詩零言續編目錄

新羅

文宗

李義旼

忠烈王

憲康王

毅宗

崔滋

李翹

朴球

一卒

安置民

李仁老

崔致遠

閔湜

金垣

陳湊

百濟

金莘尹

閔光勻

李齊賢

義慈王

林春

金希碑

永泰

高麗

吳世村

權適

安裕

太祖

鄭知常

李奎報

李穀

崔冲

金富軾

金克己

元松壽



田祿生

世次未詳

李堅幹

鄭以吾

柳淑

郭頴

許輯

朴淳

韓宗愈

崔承老

有一臺

姜淮伯

李公遂

朴寅亮

僧惠文

趙惠

羅興儒

鄭襲明

僧山立

卞季良

金九容

李仁老

僧神駿

李啓

鄭夢周

高兆基

鬼詩

成石磷

李穡

文真本朝

柳方善

李崇仁

林惟正

太祖大王

孝寧大君

吉再

印份

權近

僧屯兩



李孟昀

成 侃

鄭子堂

金宏弼

魚變甲

李約東

姜 渾

鄭希良

崔 修

姜希孟

李承召

南孝溫

端宗大王

趙起宗

妓笑春風

李 荇

成三問

安 琛

柳仁貴

蘓世讓

金時習

朴搗謙

曹 偉

趙先祖

世祖大王

鄭 氏

安命世

朴 祥

申叔舟

魚無邊

李希輔

李彥迪

李石亨

成宗大王

金宗真

鄭光弼

成 侃

徐居正

金駟孫

曹 伸



崔溥

徐敬德

羅湜

成壽益

文繼昌

黃真

尹潔

朴忠元

崔山斗

魚叔權

金安國

韓卷

朴公達

趙仁奎

李滉

車軾

崔壽城

權應仁

申光漢

尹春年

咸子入

仁宗大王

林亨秀

有一試官

金麟厚

李達

朴繼姜

林億齡

趙士秀

沈貞

鄭士龍

鄭涉

南家

姜克誠

周怡



東詩零言續編卷之五

新羅

憲康王五年出遊鶴城

山今蔚

還至海浦忽雲霧晦冥禱海開霽

仍名開雲浦有異人處容者奇形詭服詣王前歌舞王賜爵

其歌有智理多逃都破等謂以智理國者多逃而都邑將

破也歌以警之時人不知反以為瑞至今傳其舞

東史

○

名景文

王子在位十二年

姓金氏

朴球北史新羅多金朴兩姓唐張喬有送妻待詔朴球歸新羅

詩曰海東誰敵手歸去道應孤關下傳新勢舡中覆舊圖又

有送朴充侍御歸海東詩曰天涯離一紀關下歷三朝又有



唐顧非熊送樸處士歸新羅詩則或以朴為樸矣詩曰少年  
離本國今去已成翁客夢孤舟裏鄉山積水東驚沈崩巨岸  
龍關出遙空學得中華語將歸誰與同

蓋葉記

崔致遠

見原編

有破天荒之功東方學者皆宗之琵琶行一首載

於晚唐遺響錄以無名氏或以洞庭月落孤雲歸證為致遠  
之作然亦未可以此為斷致遠十二渡海入唐一舉中甲科  
及第遂為高駢從事檄黃巢氣沮官至都統巡官侍御史  
及還同年顧雲贈儒仙詞其一句曰十二乘舡渡海來文章  
感動中華國其自叙云平災重峯之歲絲入中華銀河列宿  
之年錦還東國蓋言十二入唐二十八東還也其跡章於



唐書藝文志載致遠四十一卷桂苑筆耕十卷余未嘗不嘉  
其中國之廣蕩無外不以外國人爲之輕重而旣載於史又  
令文集行于世然於文藝列傳不爲特立其傳未知其意也  
古之人於文章不得不嫌忘况致遠以孤蹤入中國躡踪當  
時名輩故畧之歟○有詩一縣云崑崙東走五山碧星宿北  
流一水黃同年顧雲以此句卽一輿地圖地蓋中國之五岳  
皆祖崑崙黃河發源於星宿海故云並白雲小說○我東之通中  
國自檀箕而文獻蔑々至于唐侍御史崔致遠文體大備遂  
爲東方文學之祖其江南女詩曰江南蕩風俗養女嬌且憐  
性冶耻針線粧成調急絃所學非雅音多被春心牽自謂芳



華色長占艷陽年却笑憐舍女從朝弄機杼機杼終老身羅  
衣不到汝佔畢齋云公仕于唐此詩疑是見三吳女兒作余  
觀此詩盖有所感諷而作非但咏三吳女兒也辭極古雅非  
後世可及所著詩文甚當而安經兵燹傳者絕少可惜也華小

詩評



百濟

義慈王時有鬼入宮中大呼百濟亡百濟亡即入地中王使掘之得一石龜背有文曰百濟同月輪新羅如月新王問之巫解曰同月輪者滿也滿則虧如月新者未滿而漸盈王怒殺之竟為唐將禰定方新羅將金庾信所敗亡

東

○

名義慈武王子在位

二十  
年為唐所滅

姓扶餘氏



[illegible]



高麗



事跡詳古史綱目  
修史河上居倫州  
以好

太祖凡帝王文章必有大異於人者宋太祖咏日詩明太祖咏

雪詩其弘量大度皆不可以言語形容按輿地勝覽載高麗

太祖詩太祖嘗巡到鏡城龍城縣有詩曰龍城秋日晚古戍

暮烟生萬里無金華胡兒賀太平意格豪雄音律和暢其一

統三韓之氣像於此可見

小華詩評

見原編

崔冲海州吏溫之子也有二子常戒之曰士以勢力進難克有

終以文行達乃甬有慶吾輩以文行顯誓以清慎終于世乃作

訓子孫文傳之中葉不謹失其本有詩曰家世無長物惟傳至

寶藏文章為錦繡德行是珪璋今日相分付他年莫敬亡好

文廊廟用世、並興昌

左漢哀談○



契丹為鄰不堪  
求王常

元堂初

文宗上見高麗自端拱後不復入貢王立誦華嚴經願生中國舊

俗以二月望張燈祀天神如中國上元王一夕夢至京師觀

燈若宣召然徧呼國中嘗至京師者問之路皆夢中所見乃

自為詩識之曰宿業因緣近契丹一年朝貢幾多般忽蒙舜

日龍輪召便侍堯天佛會觀燈燭似蓮丹闕迥月華如水淺

雲寒移身幸入華胥境可惜中宵漏滴殘會神宗遣海商諭

使來朝遂復請修故事余張誠一為館伴時語錄所載云宋

夢得石林燕語

毅宗見時青郊驛進黑牛王命侍臣賦詩以房堂為韵無一詩

可意惟黑牧丹花到雪堂之句差勝有一士善為詩聞而有



作之亟谷曉歸來紫氣桃林春放踏紅房王歎羨遂官其人

五山  
說林

一卒於毅宗時萬春亭壽樂堂鮮樂齋玉竿齋錦花橋水德門  
等役貧不自給每食後徒分與一起一日其妻來餉且曰宜  
召所親者共之卒曰家貧何以辦此私於人得之乎竊人取  
有乎妻答曰貌醜誰與私性拙安能盜但剪髮耳因示其首  
卒嗚咽不能食聞者悲之

東吏

閔湜毅宗時官尚書寶文館直學士李相國奎報贈詩曰世家  
傳閔闕系出費侯賢蘭玉瘦枝秀虹蜺一氣連雲梯同坦步  
仙省迭相遷樹對鷄新舊天分鴈後先右貂紫最刻旁來寵何

毅宗丁亥魁科刑部  
尚書神宗辛酉卒



偏五色絲縫袞三條雪入篇鑄金迸踊躍翼轂助騰蹇為爰  
蹊成下叨將壁至前囊錐容早脫紉扇豈中捐况接葭莩幸  
平生恃淺緣蓋閔子騫為費侯故系出費侯賢閔氏來自中  
華之論似然矣

閔氏譜

金華尹官至尚書教宗庾寅重九有詩云輦下風塵起殺人亂  
如麻良辰不可負白酒泛黃花可見當時之事無可奈何而

此老骨中亦磊落不凡

櫟翁  
枰說

林春

原見

閨騷詩曰田家樵熟麥將視綠樹初闌黃栗留似識洛

陽花下客慙慙百轉未能休崔文清滋聞株真峯鶴吟詩云  
雲抱長空月正明松巢宿鶴不勝清滿山猿鳥知音少閑創



疎翎半夜鳴兩詩俱是不遇感傷之作然文清氣節慷慨非

林之比也

標翁評說

○密之嶺南晉之蠡石江山風月伯仲之間

而嶺南則有秋深官道映紅葉日暮漁村生白烟一竿漁父

雨聲外十里行人山郭邊等句語落人口談轟石則無一佳

作有以一人之作而工於此而拙於彼者無乃奇勝優於此

而不能形容耶

松溪漫錄

○林西河詩曰十載崎嶇面撲埃長遭

造物小兒猜向津路遠槎難到燒藥功違鼎不開科第未消

羅隱恨離騷空寄幽牢袞袞浩自是無知己明主何曾棄不

才以公文章終未登第其感慨愁嘆之意可見

小華詩評

吳世材見諷毅宗微行詩云胡乃日清明黑雲低地橫鄰人且



莫近龍向此中行其病詩云老與病相期窮年一布衣玄花  
多掩翳紫石少光輝怯照燈前字羞看雲後輝待他金榜罷  
閉目學忘機李文順奎報謂先生為詩學韓杜然其詩不多  
見金告士集中載一篇有曰大百圍材無用、長三尺喙不  
言、亦老健可尚

稌翁  
稌說

鄭知常見箕城詩曰雨歇長堤草色多送君南浦動悲歌大同  
江水何時盡別溪年、添作波燕南梁載嘗寫此詩改漲綠  
波余謂作漲二字皆未圓當作添綠波耳又有地應碧落不  
多遠人與白雲相對閒浮雲流水客到寺紅葉蒼苔僧開門  
綠楊閉戶八九室明月捲簾三兩人等句是自家喜用此格



樓第  
神說

○外城橋口人古老相傳云雷雨之夕其母嫁橋口淵

龍而有娠乃生而能文三歲時見江上白鷗口語一絕云

喧々白鷗鳥頭曲仰天歆白毛浮綠水紅掌踏綠波神異若

此龍孫之言不虛

平壤志

○

初名之元權魁科官至起居注有能詩聲與金富軾齊名於文字間

積不平托以老妙清  
四應遂殺之

金富軾

原見

高麗樂志布穀鳥之善鳴者也睿宗欲聞已過及詩

政得失廣開言路猶恐羣下不言乃作布穀歌以諭之後金

富軾聞教坊妓唱此歌感而作詩云佳人猶唱舊歌詞布穀

飛來桎梏稀還似霓裳羽衣曲開元遺老淚沾衣淒楚可吟

脩眉  
清史

○與鄭知常文章齊名兩人爭軾不相能世傳知常有



琳宮梵語罷天色淨琉璃之句富軾喜而索之知常終不許

索之欲作已詩之意後知常竟為富軾所誣殺一日富軾詠春詩曰柳

色十絲絲桃花萬點紅忽於空中鄭鬼批富軾頰曰千絲萬  
點孰數之也何不曰絲絲點點紅乎金頻應之後往一寺

登廁鄭鬼從後握法囊問曰不飲酒何面紅金徐曰滿崖丹

楓照面紅鄭鬼緊握曰何物皮囊子金曰汝父鐵囊子色不

憂鄭鬼握之尤力金竟死於廁焉白雲說

李義收

見原

明宗二十三年南賊蜂起金沙彌據雲門孝心據草

田遣金存傑李至純討之至純即義收子也義收嘗要紅霓

起兩腋頗自負又聞古識曰龍孫十二盡更有十八子之句



與沙彌通至純輒泄軍事以至屢敗存傑曰以法治之義敢

必害我否則賊盜熾遂仰藥死後賊平

東史

崔滋

見詩話云余平生飽聞任相國黃驪縣客樓詩云月黑鳥

飛低煙沈江自波漁舟何處宿漠漠一聲歌但奇其韵未得

其味及按康中道抵宿此樓是時江烟冥漠溪月朦朧水鳥

飛鳴漁人相歌惴眼感耳任公之詠其詩價對景益高

脩眉清史

安置民

見

常自寫醉睡先生真書其後曰有道不行不如醉有

口不言不如睡先生醉睡杏花陰世上無人如此意居士工

於書畫每掃竹作詩畫其後常過李僕射世長宅有脩竹數

叢新梢出檻公出一笈命畫即寫詩題云樓下篁林百尺脩



字汝初名百錢扶寧  
人高宗朝第門下侍  
郎中事步止浦  
熙宗幸未生文章  
早成高宗主辰文  
科忠烈改寓亭文  
貞公有集

樓高只見數梢頭  
要者拔地十竿玉  
頃踏層梯下此樓  
李文

院由之以詩讚曰  
此君真態盡難工  
膠粉絳施氣已空  
居士

手痕清似月  
幻移疎影上屏風  
安豪李清播在人口

脩眉清史

金垠障子詩云  
風護花奴頭上  
槿露濃王母手中  
桃何其艷灑

上晉陽公詩云  
西世波瀾定海東  
太山功後太山功  
茅分萬

戶猶毫末  
河潤三韓亦掌中  
極其補頌且得罪  
乞救晉陽曰

王上無端點作痕  
已將名利負乾坤  
可憐百歲升沈事  
決在

明朝一片言  
千載之下想望風  
米如有諛諛之詞  
阿其所好

並其已前欽慕而  
盡棄之可不戒哉

譔錄

閔光自公珪之子  
及登第有詩云  
四子同遊翰墨中  
爭先高折



桂枝叢二兄早得成龍咒一弟曾收中鹄功  
祿誰承金榜大人風瘦鵬尚有圖南翼遙望雲霄萬里通問

譜

○文司諫公建有五子并登第  
曰康自迪自仁自良自光自

金希碑高宗時為將軍知詩禮有膽畧善辭語為東真使館伴

東真使唱曰東君初報暖希碑曰北帝已收寒使曰何意曰

君以春意唱吾以春事和之後崔瑀遷前顯宗王於喬桐殺將軍

盧之正琴輝及希碑時希碑以巡問使在羅州捕者至畧無

懼色口號一絕曰欲報清河而注恩東西南北慙忘身奈何

一朝逢天厭紫而人為碧海人

東本羣山島人

權適高麗文士專尚東坡每及第榜出則曰三十三東坡出矣



與趙孟頫金瓶入宋朝在解  
雍七年帝悔軒親試宋  
撰中得第一宋之庸家  
伯樂得傳以空手孔成  
江以慶之

高元問宋使求詩學士權適贈詩曰蕪子文章海外聞宋朝

天子大其文之章可使為灰燼千古芳名不可焚宋使歎服

其尚東坡可知也

東人詩話

毅宗初平官翰林學士

李奎報親號白雲居士其母夢奎星而生常遭謗有詩曰為避

人間謗議騰杜門高臥髮鬢髻初如落之懷春女漸作零

結憂僧兒戲牽衣聊足樂客來敲戶不須應窮通榮辱皆天

賦斥鷃何曾羨大鵬詞極婉轉咏鸚鵡口衿被藍絳嘴丹砂

徒為能言見爵羅嬌婉小兒圓舌澁玲瓏處女慧容多慣聞

人語傳教巧新學宮詞導字訛牢鎖玉籠無計出隴山歸夢

漸蹉跎公詩素補大家而巧妙亦如此可謂大則須彌小則



芥子

小筆詩評

○見眾鷄啄虫惡而斥之因作詩曰朱、好、啄

虫予不忍視斥勿使爾汝莫惡我為好生本自欺我今退老  
疎散不卜朝天早宴宴要聞渠報曙聲貪眠尚欲避窓明自

註云目三言至七言蓋法李太白三五七言之詩也魚文貞

公詠菊詩菊、元松筠挹夕露承朝旭紫、英、芬、郁

、霜葩耀晚金雨葉滋晨玉開三迳望南山溯一潭追甘谷

甜芳自可制顏齡逸還堪醫薄俗香魂不滅宛舊精神色

相猶存本來面目烏帽落時須更押一枝白衣來處何嫌酌

數斛物既貞潔其操自然而真人爭播詠於詩愛之誰酷自

註云目一字至十字蓋又法文順詩而添其體格也按一字

至十字



宋朝文與可詠  
竹已有此體

○祥官雜記

○余夢遊深山迷路得至一洞樓臺

願異問傍人是仙女臺也俄有美人六七人開戶出迎入座  
苦請詩余卽唱云路入玉臺呀碧城翠蛾仙女出相迎諸女頻  
不肯之余雖不知其故遽改曰明眸皓齒笑相迎始識仙  
娥亦世情諸女請續下句余固讓一女續之曰不是世情能  
到我為憐才子異於常余笑神仙亦誤押韵耶因破夢追續  
之曰一句終成驚破夢故留餘債擬尋盟白雲居士先生自  
號也性放曠無檢六合為險天地為窟以酒自嗜人有邀之  
者輒欣然而醉豈古淵明之徒歟居士醉而吟曰天地為衾  
枕江河作酒池願成十日飲醉過太平時○知養事崔公宅



千葉榴花感開世所罕見特召李內翰仁老金內翰克己李  
留院湛之成司直淳及余占韵命賦余詩曰玉顏初被酒紅  
暈十分侵葩穠鍾天巧姿巧挑客尋藝香晴引蝶散火夜驚  
禽惜艷教開晚誰知造物心自况余晚達矣○余奉朝勅課  
伐木於遼山以其常督伐木故呼余曰斫木使余戲吟曰權  
在擁軍榮可說官呼斫木辱堪知以類於樵夫之事也初入  
遼山過主史浦明月出嶺意思蕭灑得一首云一春三過此  
江頭王事何曾惡未休萬里忙濤奔白馬千年老木臥蒼虬  
海風吹落蜜村笛沙月來迎浦谷舟擁去騶童應恠我每逢  
佳景立遲留

白雲  
小說

○嘗曰古人云天下不如意十常八九人



生處斯世能愜意者幾何余嘗有違心詩曰人間世事亦參  
差動輒違心莫適宜歲家貧妻常侮殘年祿孱妓將進雨  
陰多是出遊日天霽皆吾閒坐時腹飽輟飧逢美肉喉瘡忌  
飲遇深危儲珍賤售市高價宿疾方痊隣有醫碎少不諧猶  
類此楊州駕鶴况堪期大抵萬事之違心類如是小而一身  
之榮悴大而國家之安危莫不違心拙詩雖舉其小其意實  
喻大也世傳四快詩曰大旱逢甘雨他鄉見故人洞房花燭  
夜金榜掛名辰云々旱餘雖逢雨雨後又旱他鄉遇友旋別  
洞房花燭安保其不生睽離金榜掛名安知非憂患之始也  
此所以違心多而愜心少也

白雲（一）元曉并詩曰徇山渡危



橋臺石行綿路上有百仞巔曉聖曾結宇靈蹤渺何處遺影

留鴉素茶泉野寒玉酌飲味如乳此地舊無水釋子難按住

臺逍遙壁牧庵記云新羅僧元曉住此山有大石起立五六

丈巖壁間石竇石泉洧、卽元曉井也

元曉新羅太宗文武王時僧也○記

山道記○余昔登第與同年遊通濟寺余及四五人佯落後徐

行各賦四韻此旣路上口唱非有所記便不能盡識之其後

有人傳云此詩流入中國爲人所賞其人惟誦一句云蹇驢

影裏青山暮新鴈聲中紅樹秋其後又有人傳一句云獨鶴

何歸天杳、行人不盡路悠、其首落句則皆不知也余雖

未聰明亦不樵鈍者也豈其時草率而作畧而忘之耶耶者



歐陽伯虎

使元

訪余有客言及此詩傳播大國信乎歐曰非但

傳播皆作畫簏者之客類之歐曰若爾明年還國余當責其

畫及詩全本來以示之也余次前所寄絕句贈歐云慚愧區

、一首詩一觀猶足又圖為雖知中國曾無外無乃明公或

有欺

白雲  
小說

○余自九齡始知讀書至今手不釋卷志大命薄

行年三十猶不得一縣孤苦萬狀頭顱已可知自是遇酒放

浪方春百花競發良辰不可負也遂與尹學稼置酒作詩興

闌醉睡尹呼韻勸余賦詩余即應云耳欲為聾口欲瘖窮塗

並後世情請不如意事有八九可與語人無二三事業早變

期自此文章班馬擬同秦年來點檢身名上不及前賢是我



慙尹謂余以八九對二三十不調余曰我夢中所作故不  
擇發年八九改以十萬亦無不可大羹玄酒不下酬酌大家  
手後固如是也公豈不知耶言未訖忽欠伸而覺乃一夢也  
遂以夢事言于尹曰夢中便說夢作此所謂夢中說夢也相  
對胡虛因戲占曰睡鄉倘與醉鄉隣兩地歸來只一身九十  
日春都是夢中還作夢中人○余今嗜詩雖宿負也至病  
中尤酷好欲罷不得因謂曰此亦病也又每食不過數匙唯  
飲酒而已常以此患之及見白樂天後集多是病中所作飲  
酒亦然其一詩客云我亦病中觀宿命多生債多是歌詩不  
然何故狂吟咏病後多於未病時酬夢得詩云守、市衾底



病醉睡相和服雲母散詩云藥消日晏三匙食其餘亦倣此  
余然後頗自寬曰非獨余也古人亦甬白公病暇滿一百日  
解綬余於某日將乞退計病暇一百有十日其不期相類亦  
如此但所欠者樊素少蠻耳然二妾亦於公六十八皆見放  
則何與於此時哉噫才名德望雖不及白公遠矣其於老境  
病中之事往々多有類余者因和病中十五首以紓其情曰老  
境忘懷履埋夷樂天可作我之師雖然未及才起世甬甬  
相侔病嗜詩較得當年身退日類余今歲乞骸時落句缺○  
宋朝祥子祖播因歐陽伯虎東來以詩寄我國空々上人旣  
以茶鉢五器斑竹杖一事又名庵曰兔角手書其額以寄之



余嘉兩師十里相契之深又聞歐陽君詩名亦復渴仰因和  
二首詩曰此去中華隔大瀛西公相照鏡心清空師方結蚌  
窠室播老達傳兔角名杖古尚餘斑竹掌鉢靈應秀碧蓮莖  
誰教一日親交錫共作金毛震地聲邀從千里渡滄瀛詩韻  
猶含山水清可喜醉翁流遠汎自言永叔十一世孫尚教吾輩飽香名  
凌霄玉樹高千丈瑞世金芝擢九莖早挹英風難覩面何時

親聽咳餘聲

並上同

金克己

上見

詩人之詠漁父例多取其間味而山獨金老峯詩天

翁尚不憚漁翁故遣江湖少順風人世險巇君莫笑自家還  
在急流中此則言其厄險乃翻案法也成侃詩數置青山數



谷煙紅塵不到白鷗邊漁翁不是無心者管領西江月一

此亦與有心於名利者有異矣當意雖不同寫景遣詞各極

其妙

詩評

○負外之詩運思極巧詠冬日李花落句曰無乃

異香來聚蜜漢宮重見李夫人此前賢所未道者在龍灣作

詩云文章向老可相娛一鈞遊還尚五車銜罷不知為塞吏

紙牕明處臥看書其排遣之懷備然可想

懷叟詩話

忠烈王

原見

三年觀候署言道說

俗姓金或云新羅太宗孽孫母姜嘗人遺明珠一顆生說為僧

居興陽玉龍寺號玉龍子新羅憲康王三年道說見高麗太祖父王隆謂以當生貴子其言果叶及長授以要訣云耳

秘記稀山為高樓多山為平屋我國若作高屋必招褻損而今

聞造成都監用上國規模欲作層樓高屋恐有不測位允字



亦言於公主

公主元帝之孫室女王之妃也

請弛營繕公主許之○二十五

年王與偉臣吳祈金元祥內侍石天補等選中外故巫善

歌舞者衣羅綺戴馬尾笠別伴一隊教以新聲其歌曰三歲

寺裡點燈去有社主子執吾手倘此無言子出寺外謂上座

子是汝語又云有蛇含龍尾聞過太山岑萬人各一語酬酢

在君心天補輩各私一妓無復有君臣之禮

并東史

李嗣娶金海金氏金氏性嚴親授三子書史曰仁挺文魁門下

評理曰瑱登親試第二官政丞曰世基成均魁登第與兄瑱

同榜號天場及第官大提學政丞皆以文章擅名五孫俱以

成均魁登第仁挺之子曰栲栳瑱之子曰瑄齊賢世基之子

李氏譜仁挺請宗而或文  
冠瑱志烈已而登第也  
其志烈已而或約姓登第  
庚辰又推親試



曰舊也閔默軒漬作賀詩曰花萼三家五榜魁人言皆是謫  
仙才知公積善真無敵獨見年一慶席開趙簡詩曰具慶提  
衡罕見聞得賢還勝舊龍門又云悅軒喜氣邛客說人道新

添甲科孫

慶州李氏譜

○

李嗣慶州人字萬里初名  
佖官門下評理號悅軒

李仁老

見上

號旌明齋嘗奉使赴燕元日門館額上題春帖子未

幾名遍中朝後中朝學士遇本朝使价則取誦前詩問曰今

為何官云其詩曰翠眉嬌展街頭柳白雲香飄嶺上梅十里

家園只好在春風先自海東來語極清婉且如幽室詩春去

花猶在天晴谷自陰杜鵑啼白晝始覺占居深酷似唐家小

詩評



陳洋咏柳云鳳城西畔萬條金句引春愁作暝陰無限狂風吹

不斷惹烟和雨到秋深情致佳麗然李商隱柳詩云曾共春

風拂舞遙樂遊晴苑斷腸天如何肯到清秋節已帶斜陽更

帶蟬陳蓋擬此而黃山谷云隨人作計終後人自成一家乃

逼真信哉陳詩水公天上真身月雲漏江邊木色山

善學宋人絕勝東國假蘓軾黃

清脾錄

見上

李齊賢

見原

四皓歸漢詩曰見說扶蘓孝且仁胡令二世禍生民

逋翁不為卑辭屈未忍劉家又似秦議論切當蜂詩云課蜜

若非王事急只消恒舞百花中善於形容又云風雪九街長

柄笠圖書四壁短檠燈對甚工但長柄笠似指傘則未知出



處

談聞  
錄

○詞林鉅工每推挹翠軒為詩宗嗣以上之推佔

齋為第一余嘗讀益齋集斷以為二十年來東方名家其小

樂府曰脫却春衣掛一肩呼朋去入菜花田東馳西走追翊

蝶昨日嬉遊尚宛然此等詩東人集中尚復有之哉顧俠君

編元古家詩選而高麗人詩無一首以其不得見也若齋此

集贈之其編於安南國王陳益稷之上可勝言哉漫錄○金

頤叟常語徐四佳曰高麗諸子詞麗氣富而體格生疎我朝

著述辭纖氣弱而義理精到孰優四佳曰豪將悍卒拙戈擁

有談說仁義腐儒俗士冠冕車甫遜容禮法君將何取申玄

翁云我朝文章非不蔚然而比之麗朝則少遜李文順之宏



肆李文靖之浩汗我朝未見以四佳之論見之我朝似優以  
玄翁之言論之麗朝似優文順卽白雲文靖卽牧隱今錄其  
七律各一首文順扶寧浦詩曰流水聲中暮復朝海村籬落  
苦蕭條湖清巧印當心月浦闊貪吞入口潮古石浪卷平作  
礪壞缸苔沒臥成橋江山萬景吟難象頃倩丹青畫筆描文  
靖卽事詩曰幽興野居老彌清恰得新詩眼底生風定餘花  
猶自落雲移小雨未全晴牆頭粉蝶別枝去屋角錦鳩深樹  
鳴齊物道遠非我事鏡中形色甚分明大抵麗朝規模大而  
近宋我朝調格清而近唐今以兩公之詩見之唐乎宋乎觀  
者若定其唐宋則麗朝我朝優劣自判矣

小萃詩評

○

人言崔



猗山姜妹並齋詩卷只留紙被生寒佛燈暗沙彌一夜不鳴  
鍾應喚宿客開門早要見庭前雪壓松並齋大服以為知音  
此皆過辭也並齋詩好者甚多如和烏棲曲及澠池等篇皆  
逼古如詠史誰知鄴下荀文若永愧遼東管幼安又不辭載  
將西子去越宮還有一姑蘇又劉郎來自蚕叢國故里應生  
羽葆桑此等作俱入窠殼前人未發者烏可少者此亦英雄  
欺人不可盡信惺叟詩話○我東人不解音律自古不能作樂府  
歌世傳李益齋隨王在燕與學士姚遂諸人遊其菩薩等作  
為羣人所賞云豈北學中國深有所得而然耶余見其舟中  
夜宿詞西風吹雨鳴江樹一邊殘照青山暮繫纜近漁家舫



頭人語諱白魚兼白酒徑到無何有自喜臥滄洲郡知是宦  
遊其舟次青神曰長江日落煙波綠移舟漸近青山曲夜深  
蓬底宿暗浪鳴琴筑隔沙一燈明隨風百丈輕夢與白鷗盟  
朝來莫謾驚詞極典雅華人所讚其指此歟

小華詩評

永恭善俳優戲忠惠王獵每呈優戲王投恭于水中恭撒淚而  
出王大笑問曰汝從何處去今從何處來對曰往見屈原而  
來王曰屈原云何對曰我云我逢暗王投江死汝遇明君底  
事來王喜賜銀甌一事傍有虞人見之亦投于水王令人捉  
髮而出推問其故虞人曰往見屈耳王曰屈云何對曰彼何

言我何言三軍騰笑

情齋話○官將仕郎



安裕原以興起斯文為己任納藏獲百口于成均館卒後配文  
廟公之承祀宗子連十代登第可謂食其報矣公鎮合浦數  
月朝廷取士促召之使主試時霖雨水漲公間關到星州贈  
李東庵曰夏初分錢海邊來昨過三更致遠臺驛吏電馳傳  
密旨文闈火迫選賢才星山暴潦乘槎渡月密清颺養桂催  
頽想奏名開慶席鳳笙檀板錦千堆公之父子相繼為合浦  
郝節制使九代孫琛亦為節度使次公詩云文成公後耳孫  
朱黑梨紅旗訪古臺詩禮我家能積善武文何代不生才勤  
王一寸丹心在戀闕千莖白髮催傳世青氈期勿失黃金不

屑謾成堆

謾聞  
瑛語



字喬年子仙路走甫  
甲子生進士朝登科  
政重文學恭德四年  
奔父還山有集

李穀

見原

入中國捷制科第二甲名聲籍甚嘗有途中避雨詩曰

甲第當時蔭綠槐高門應為子孫開年來易主無車馬惟有

行人避雨來人之侈崇宮室為後世計者可以為戒

小萃詩評

元松壽恭愍時忤辛旽罷官憂憤以卒年四十三嘗詩云少日

心期未老閑宦遊客易損紅顏君恩未了方歸去吾眼無由

見碧山蓋松壽身為政堂欲退而未能故其詩如此又有正

朝賣慵懶詩云慵懶由來不直錢相呼賣得謾爭先世人誰

把千金擲今歲依然似去年許者以此詩與韓昌黎送窮文

同意余則謂別有寓警者然必激感而詠歎

脩眉清史

○恭愍時政堂文

學文  
定公



字漁耕号望漁忠建朝  
文祥門下中理典朴海  
南日被難杖流道卒  
有集

田祿生號野隱嘗於東京愛金海府效玉纖、善彈琴野隱贈

詩曰海上仙山七點青琴中素月一輪明世間不有纖、手

誰肯能彈太古情公後鎮合浦纖、已老矣呼豈左右使彈

琴其後文人騷客多詠其事

脩眉清史

○

恭愍時官密直

柳淑上見我國徐四佳所撰東人詩話云前朝恭愍時政丞柳思

庵淑送友人帰田詩曰人間膏大自相煎明哲如公史可傳

已向危時安社稷更從平地作神仙五湖夢新烟波綠三迳

秋深野菊鮮顧我未能投紱去通來雙鬢雪飄然辛旡以明

哲江湖等語諷于王而殺之事齋所撰青邱風雅亦選此詩

以為李仁復送柳淑之詩註於末句初曰西風塵土意茫然



而恐辛毗見之改曰云々徐與金皆文章博覽之人時不甚  
遠記載如此之異何其恠也毗以詩總則詩為柳作明矣遺

錄

韓宗愈

見原

少時放蕩結徒數十人每於平覲歌舞之庭劫掠醉

飽拍手歌楊花將人謂之楊花徒及為相國切各事業彪炳

當時晚年退老鄉曲即今橋子嶺也嘗作詩曰十里平湖細

雨過一聲長笛滿蘆花却將殷鼎調羹手還把漁竿下晚沙

輕衫短帽繞池塘滿岸垂楊送晚涼散步歸來山月上杖頭

猶濕露香

憶齋  
最話

李公遂號南村初下第贈登第者詩曰白日明金榜青雲起草



恭愍王  
賦有山雨及危訪祐  
後寫本勅求賦多一  
文人

虛那知廣寒殿尚有一枝餘後竟登第官至侍中李白沙恒  
福下第時泮者不來日己西滿家童僕色悽、年、費盡場  
中饌無復牕前聽午鷄亦登第官至上相二詩之做語雖有  
相異各得其氣南村猶有豪橫之意白沙亦無愁悵之語脩

清史  
恭愍時侍中並山府院君諡文康公  
並州人配享恭愍廟庭

羅興儒屢舉不中上書請使日本恭愍王大喜拜典客寺事遣  
之日本人因于太宰府興儒紹曰吾年百五十有神術日本  
人以為信然放還牧隱集曰羅判書將刊其中順堂集於尚  
州托書於僕以求速成甚矣其嗜詩而欲其傳於世也仍贈  
詩曰佳句儒林誦高標海國知願公宜用力叢錄近來稀葉



恭逢以寅乙未文科  
大司馬子年于漢州  
臨更年為出治重有  
吟集

記  
○羅州人自號  
錦南逸叟

金九容號惕若齋詩甚清贈牧老取桶敬之下筆如雲煙者是已  
常以回禮使致幣于遼東都司潘奎執送京師其咨文馬五  
十匹誤填以五千匹高皇帝怒其私交曰五千匹至當放還  
也時李廣平當國素不喜公輩迄不進馬帝流公大理侔詩  
曰死生由命奈何天東望扶桑路渺然良馬五十何日到桃  
花門外草芊芊武昌詩曰黃鶴樓前水滂波沿江簾幙幾千  
家腰錢沽酒開懷抱大別山青日已斜公竟卒于配所其後  
曹叅議廉亦流金齒數年改還黃州作詩曰水光山氣弄晴  
沙楊柳長堤十萬家無數箇江城下泊竹樓烟月咽笙歌丈



夫生偏壞常恨不獲壯遊二公雖流竄殊方亦看盡吳楚山

川實人間快事也

惺叟詩話

○字敬之初名齊閔安東人恭愍朝第辛禔時官大司成奉使宣明沅瀘州道卒

鄭夢周

見原

非徒理學節義輝于一時其文章豪放傑出在北關

作詩曰定州重九登高處依舊黃花照眼明浦淑南連宣德

鎮峰巒北倚女真城百年戰國興亡事萬里征夫感慨情酒

罷元戎扶上馬淺山斜日照紅旌音節跌宕有盛唐風俗○

圃隱詩江南女兒花押頭笑呼伴侶游芳洲盪槳歸來日欲

暮鴛鴦瘦飛無限愁風沆豪宕輝映千古而詩亦酷似樂府

并惺叟詩話

李穡

見原

中元制科翰林歐陽圭齋玄推獎之圭齋嘆曰吾衣鉢



當從海外傳之於君其後公流遷明生皆畔而下石嘗作詩  
曰衣鉢當從海外傳玉齋一語尚琅然近來物價皆翔貴獨  
我文章不直錢蓋自傷其遭時不淑也

惺叟詩話

○自負詩豪多

用俚語如崔畫傳語鼠應聽又前若貧居後富居又田字窓  
臨口字庭又崔飛東海上俗呼銅盆為東海故云又平桂真  
如板平桂蜜餅也以粬和蜜煎於香油謂之平桂或補果子  
今於婚喪祭需皆用之蓋麗俗也又削竹串穿蕎麥餅仍塗  
醬汁火邊燒此粬菜炙也俗以蕎麥粬和雜菜煎成餅切而  
為炙塗醬以燒用於素饌者也俗傳冬至以豆粥相餽公詩  
云天爭閨闕曉色濃小娥梳洗淡粧紅家相送成風俗白



翁裹翁樂在中上元作糯米飯和蜜與果相遺公詩云粘米

如膠結作團調來崖蜜色爛斑更教棗栗并松子助發甜甘

齒古間

說聞  
陳錄

○思拾栗詩云坐想山村栗正肥金丸欲落映

離乞身何日飄然去拾得滿籠深夜帰可見欲歸之志○

於草溪客舍見許迂軒曲松詩云未脫名韉白髮翁折腰非

是為時風不關世事蒼髯鬢悅眼何人每鞠躬仍次曰落

齒山伴彼翁蒼官十載有高風絳侯贗背誰相示鞭扑庭中

暫曲躬皆寓意新○牧老云近世有改拙翁文者因記段墨

卿淮西碑事有詩云刻物區々代化工何顏地下見文公海

東亦有雌雄手獨向猓山吊拙翁可見牧老推重崔拙翁以



其文擬韓公○牧老云邀上堂韓公登西峯賞花既而禮安  
君禹公携至其第設酌默構一聯云花開將爛熳我老宜蕭

條未暇成篇適鄭達可李士渭金九容李崇仁崔彪崔宗謙

廉廷秀携酒過泃巷家僮走報辭歸明日足成一律云前輩

文酒之會宛然可想此聯本簡齋拒霜花已吐吾寧不淒涼

矣○按牧隱集公以洪武己巳十二月被謫出居長湍庚午

四月以前事付慶咸昌八月到咸昌寄三峯鄭道傳詩云世利

秋毫小交情粥面濃任教中咀嚼百折水流東壬申四月又

貶居衿川寄松軒

我潜郎晴號太祖

詩曰倘賜山中郡安心送夕陽

猶望乞郡送老寄省郎諸兄詩皆極悽感有云聞說三郎方



被劾奈何天也奈何天又云官途今古足危機何恠衰年有  
是非再拜聖恩天地大第山殘雪掩柴扉我太祖嘗就公  
問其字及居室兩名公取桂花秋皎潔字之曰仲潔配桂莫  
如松公亦重義也扁其居曰松軒云太祖素厚牧老

牧老晚年遭謗狼貝歲至沾危而卒保全之者豈非素厚之

力歟

并謗聞  
項錄

及元送孽僧也舉國震駭我

太祖以偏師大破

之德興道去玄陵喜謂左右曰文用李補武用李某予之用

人如何以此哉

太祖與文靖甚厚請軒名云

惺叟  
詩話

○牧隱

稼亭之子也繼其父登中朝科第一甲名動天下授翰林知  
制誥學士歐陽玄見而輕之作一句嘲曰數蹄馬跡之道交



於中國牧隱應聲曰鷄鳴犬吠之聲達于四境歐頗奇之又  
吟一句持盃入海知多海牧隱卽對曰坐井看天曰小天歐  
大驚曰子天下奇才也其入覲大明殿詩曰大闢明堂曉色  
寒旌旂高拂玉欄干雲開寶座聞天語春滿霞觴奉聖歡六  
合一家堯日月三呼萬歲漢衣冠不知身世今安在恐是青

真控紫鸞詞極出麗唐人早朝之詩小序○詩曰卽舍當年

勢絕倫魚腥銅臭却熏身更呼小吏書梳字六故無端續得

新機字考字書無之或曰木梯也又有詩曰長湍南畔跡城

西跡字亦字書闕之攷跡城似是積城沿江皆石壁也按姓

譜有跡城白氏盡業記



李崇仁

上見

陶隱與三峯鄭道傳同師牧隱才名相埒然牧老嘗

題評先李而後鄭嘗補陶隱曰此子文章求之中國不多得

也一日陶隱嗚呼蟲詩極口補鑒間數日三峯亦作嗚呼蟲

詩謁牧隱曰偶得此詩於古人集中牧隱曰此真佳作然君

輩亦裕為之至於陶隱詩不多得也三峯自此積不平後為

柄臣令其私人出宰陶隱所配邑杖殺之嗚呼蟲之詩蓋為

禍崇其詩曰嗚呼蟲在東溟中滄波杳然一點碧夫何使我

獲涕零祇為哀此曰橫客田橫氣槩橫素秋義士歸心實五

百咸陽隆準真天人手注天潢洗秦虐橫何為我不歸來怨

血自汚蓮花鐸客雖聞之將奈何飛鳥依、無處托寧從地



下共追隨軀命如絲安足惜同將一劍寄孤嶼山哀浦忍日

色薄嗚呼千載與萬古此心寃結誰能識不為東運有所淺

定作長虹射天碧君不見今古多少輕薄兒朝為同胞暮仇

敵悲惋激烈吊慰兩盡三峯嗚呼岳詩曰曉日出海赤直照

此嶽中夫子一片心正與此日同相去曠千載嗚呼感余衷

毛髮豎如竹凜々吹英風蓋欲壓倒陶隱而憤其不逮卒以

此害之此與汝復作空樑落燕泥何異吁亦險矣

小華詩評

吉再

見原

以門下注書授紱居金烏山下

今善山

誓不仕

我朝我

朝亦以禮待之公聚郡中諸生徒分為兩齋以閹閹之裔為  
上齋以鄉曲賤族為下齋教以經史課其勤惰受業者百數



嘗作閒居詩曰盥手清泉冷臨身茂樹高冠童來問字聊可  
與逍遙又臨溪茅屋獨閑居月白風清興有餘外客不來山

鳥語移床竹塢卧看書

櫛齋  
叢話

○冶隱學於牧隱始聞至論以

注書棄官居金烏山下牧隱贈詩末句曰軒冕儻來非所急

飛鴻一箇在冥、及聞牧隱卒於驪江之報不食菜果鹽醬

方喪三年非徒授受之有重志節之相感如此

小華  
詩評

○高麗

攻遼東公時在泮中作詩曰龍首正東傾短牆水芹田畔有

垂楊身雖從衆無奇特志則夷齊餓首陽○公知國之將亡

還善山舊廬悔跡林泉欲終身焉要有一僧唱一句曰古今

僚友身新慶公和之曰天地江山是故人覺而卒成一聯曰



字先甲士居上高宗乙卯文壯同知密直事建烈內成入元道奔

太極真君應許我仁心不老自青春

并行

公還善州來別

牧隱牧隱贈詩曰從遊泮水號通經及第注書雙鬢青辭我

携家故鄉去且聆吾語告丁寧讀書須踐古人迹對策要登

天子庭軒冕儻來非所惡飛鴻一箇在冥

言行拾遺

### 世次未詳

郭頴以密直題直廬曰半鉤踈箔內層顛萬壑松風動翠烟午

漏正閑公事少倚牕和睡聽白天富艷之中有閒曠意看花

玉臺老風情不減鬢如絲其氣

小華詩評

崔承老凡為詩意在言表含蓄有餘為佳若語意呈露直說無



太祖丁亥生  
以下傳中清佳  
咸宗已曰存文矣此  
故好學以爲文  
此身成字高

經則雖詞藻宏麗後靡知詩者不取矣清河崔承老詩曰有  
田誰布穀無酒可提壺山鳥何心緒逢春謾自呼辭語清絕  
意味深長頗得古人賦比之體昔韓昌黎遊城南作詩喚起  
鶼全曙催歸日未西無心花裏鳥更與盡情啼山谷云喚起  
催歸二鳥名而若虛設故後人不覺耳然實有微意蓋窓已  
全曙鳥方喚起何其遲也日猶未西鳥已催歸何其早也二  
鳥無心不知同遊者之意更為我盡情而啼早喚起而遲催  
歸可也至是然後始知昌黎之詩有無窮之味而用意之精  
深也布穀提壺亦皆鳥名清河此詩得韓法也

小華詩評○咸宗時門

下



字代文子小華  
文宗朝文科蕭宗所  
并文烈公弟知政事  
文相雅薦

朴寅亮我東以文獻聞於中國謂之小中華蓋由崔文昌致遠  
唱之於前朴叅政寅亮和之於後文昌入唐賦詩膾炙人口  
郵亭夜雨詩曰旅館窮秋雨寒牕靜夜燈自憐愁裡坐真箇  
靜中僧叅政奉使朝宋所至皆留詩華人傳賞刊其詩文號  
小華集舟中夜吟詩曰故國三朝遠秋風客意多孤舟一夜  
夢月落洞庭波崔詩格律正嚴朴詩語韻清絕可與中原諸  
子索鍵周旋小華詩評○文宗三十四年庚申奉使入宋朝所止  
皆留詩至若金山寺詩被之樂調新聲至浙江風濤大起見  
子胥廟在江邊作詩吊之曰掛眼東門恨未消碧江千古起  
波濤今人不識前賢志但問潮頭幾尺高須臾風濤舡得利



齊宗朝之詩集事仁宗  
毅宗樞密院知事李  
未回諸行集死

涉子胥之靈亦知叅政之文章而要得一詩待其吊而乃止

耶宋人編集其詩曰小萃集脩眉字代天一云平州人竹  
清史州人謚文烈 泰朝登第肅宗朝奏筆

鄭襲明詩云百花叢裏淡丰茸忽被狂風減却紅嬾筋未能醫

玉頰五陵公子恨無窮洪提郎侃最喜之豈以含咀之久而

有餘味乎近世豐川有名妓西京存問使石置府籍以晚遇

為恨李學士覲作一詩令妓歌之憶昔正年三五時金釵兩

鬟綠雲垂自憐憔悴容華減來作紅蓮幕裡兒比之鄭詩未

必多讓棟翁毅宗時樞密院事以直諫被殺  
釋說廷日人 仁宗朝登第

李仁老翰林別曲補元淳文仁老詩則李大諫之詩固亦當時

第一也其半夜聞鷄聊起舞幾回捫虱話良圖之句殊好與瞿



齊宗丁亥冬第四月辛酉  
蘇宗朝知貢舉  
三朝升入台府丁丑辛  
涉經往史二十五卷

宗吉射虎他年隨李廣聞鷄中夜舞劉琨相似○李大諫直  
銀臺詩云孔雀屏深燭影微驚驚寢宿豈分飛自憐憔悴直  
樓女長為他人作嫁衣蓋大諫久屈於兩制尚未登用而同  
儕皆涉撥路因宰相麻感而有此作也

惺叟詩話

高兆基余嘗宿丹陽鳳樓亭時秋雨終宵溪聲聒耳曉夢初覺  
開戶視之濃雲滿壑樹色依稀宿鳥猶在枝頭沾濕刷雨忽  
憶高平章兆基昨夜松堂雨溪聲一枕西平明看庭樹宿鳥  
未離樓之句始覺模寫今朝情境甚善

小華評

文真三角山文殊寺詩曰語闌缺月入深扉坐久微風吟聳栢

深得山中之趣文真用此事以言長明燈也

樸翁稗說



林惟正工於集句有百家衣集如花非識面迎人笑齊已草不知

名隨意生

李商隱

能歌婉女顏如玉

李宣

愛酒山翁醉似泥

歐陽脩

嶺上晴雲披絮帽

蘇軾

水中明月卧浮屠

上

勸君更進一盃酒

王維

與爾同消萬古愁

李

皆如天衣無縫柳恭齋曰集句荆公

所難近世林茶酒惟正崔先生報句能之我國文蹟鮮少林

崔所集多有不見不聞之人此甚可疑

清肝錄

高宗時人

印份有詩曰草堂秋七月桐兩夜三更倚枕客無夢滿窓蟲有

聲淺莎翻亂滴寒葉灑餘清自我有幽趣知君今夜情學士

之名雷震海東者實由此篇蓋領聯承起句第一秋七月景

物而叙之者領聯承第二兩三更之句而叙之者看詩者當



字汝直改名廷蘭山花  
先生忠烈朝登第舍  
華忠烈忠宣忠肅三  
朝同知密直司多寔  
珍人

先察其構意與注句之如何做去脩眉清史 毅宗時人

李堅幹嘗奉使出外有一詩云旅館挑殘一盞燈使華風味淡  
於僧滿窓杜宇終宵聽啼在山花第幾層此詩當時以為絕  
唱余慣遊關東其所謂杜鵑者即鼎小也類浙人士子爵泗  
川人商邦奇俱來江陵余問之二人皆曰非杜鵑也蓋詩人  
托興言之雖非其物用之於詩中如隔林空聽杜鵑啼者我  
國本無猿也如脩竹家、翡翠啼者見青禽而謂之炎洲翠  
也鷓鴣驚籜海棠花者見大鵲鳴叫蝶、而謂行不得也皆

此類歟

惺叟詩話

許輯許氏自麗朝焚堂以後文章並成奉事漸生晦是謂草堂



有二子筠筠李女蘭雪軒澣之從叔知樞輯再從兄忠貞公  
琛皆以文章鳴或傳許氏祖山有玉桂文餘及筠椎碎之後  
文章遂亡今摘各人一篇輯之宗性寺詩梵宮金碧照山楸  
萬壑雲深一磬飄僧在竹房初入定佛燈明滅篆煙消琮之  
夜坐詩滿庭花月瀉惚紗花易隨風月易斜明月固應明夜  
又十分愁思屬殘花琛之春寒詩銅臺滴瀝佛燈殘萬壑松  
濤夜色寒暖起十年塵土夢擁爐新試小龍團澣之村莊詩  
春林初歇野鳩啼遠近平原草色齊走啓柴門閑一望落花  
無數漲南溪曄之戲題箕城詩許椽東來下界塵大同江上  
嘔真々相將去作吹簫伴浮碧樓高月色新筠之謫夷山詩



經春鄉夢滿天涯四月湖山發杏花江路草生看欲遍放臣  
憔悴泣懷沙筠之義昌即晚詠詩重簾隱暝日西斜小院回  
廊曲處遮疑是趙昌新畫就竹間鴉雀坐秋花蘭雪之夜坐  
詩金刀剪出篋中羅裁取寒衣手屢呵斜披玉釵燈影伴半

開紅燭救飛蛾

小華詩評

有一高士隱德不仕卜居江上死後朝士數人訪其舊居壁上  
有小題剥落只見一句蕉鳴箔外知山雨帆出峯頭見海風  
朝士吟咏久之相謂云階下芭蕉足知上句帆見海風未也  
少遜前浦忽有一風帆轉出峯外蓋從海口上也

五山說林

僧惠文固城人年三十餘始中空門進累禪秩至大禪住雲門



寺為人仇直一時名士多從之遊喜作詩題普賢寺曰爐火  
烟中演梵音寂寥生白室沉路長門外人南北松老巖邊  
月古今空院曉風饒鐸古小庭秋露敗蕉心我來寄傲高僧  
榻一夜清談抵萬金為人傳誦因號松月和尚白雲高宗時  
小說

僧山主號月巖長老為詩多點化古人語如云南來水谷還思  
母北到松京更憶君七驛兩江驢子小却嫌行草不如雲即  
荆公將母邇溝上留家白守陰月明聞杜宇南北兩關心也  
白岳山前柳安和寺裡栽春風多事在裊々又吹來即楊巨  
源陌頭楊柳綠烟絲五馬煩君折一枝唯有春風最相惜慙

慙更向手中吹也

快翁  
釋說



僧神駿聞鵲詩曰田家槩熟麥稍稠宜向紅牆綠樹鳴何事荒  
村寥落地隔林時送兩三聲林西河春亦有一絕云田家槩  
孰麥稍稠綠樹初聞黃栗留似識洛陽花下客慙慙百轉未  
曾休李學士眉壽評云二作初不與之相期而吐辭悽惋若  
出一人余則以為不然前詩失於艷弱後詩言情豪壯氣象  
不同若出一人何耶林詩本歐陽公詩四月田家麥穗稠桑  
枝生椹鳥啁啾鳳城綠樹知多少何處飛來黃栗留非徒寫  
其意乃竊其語也

謏聞  
璞錄

鬼詩麗朝一士人飲酒暮還家村中途醉臥忽聞吟詩聲曰  
水滄波山寂歷客愁迢迢月黃昏驚起視之身臥山路傍有



一古塚最棘環之而已始知李賀詩所謂秋墳鬼唱鮑家詩  
恨血千年土中碧者非虛語也且如鬼李顯郁詩風驅驚鴈  
落平沙水態山光薄暮多欲使龍眠移畫裡其於漁艇笛聲  
何鬼朴律詩海棠秋墜花如雪城外人家門盡閑茫茫邱隴  
獨歸去日暮路遠山復山又權韜所遇鬼詩櫻臺花雨十三  
天磬歌香殘夜闌然牕外杜鵑啼有血曉山如夢月如烟香  
韻皆高絕瀏幽自非人間語豈鬼神亦自愛其詩往々有警

作則必借人傳世以暴其才歟

小華  
詩評



[illegible]



本朝

太祖大王

見

徵時登白岳有詩曰突兀高峯接斗魁漢陽形勝

自天開山盤大陸擎三角海叟長江出五臺筆力豪壯幾與

大風爭雄其聲初鴻基實兆於此

詩小華評

○八歲時聰睿善屬

文有人拈龍字

太祖卽成曰遠落池中舊日龍離淵今作

世間龍男兒願莫尋常看早晚身為沛澤龍○嘗遊獵入山

有人伐木吟詩曰卞和連城採未得齊門採瑟人難知由來

蘭菊各有節不嘆良材虛棄遺相如佇見朱軫迎謫仙將揚

青雲眉人生自古達未達必在當時宜不宜太祖大奇之

問其姓名曰佟豆蘭因留晝幕下○太祖與豆蘭大破女真



於豆滿江邊 太祖設宴大饗有詩曰云々去暴除殘談笑  
中豆蘭賡吟曰姦臣國賊差可除丈夫臨機寧有窮 太祖  
續成曰膏中久抱濟世志夢裡飛入磻溪翁豆蘭又賡曰生  
民塗炭豈越視一舉擬能成大功○太祖徵時夢得天馬覺  
後解之其詩曰聖主龍興撫萬邦遠人來貢有梯航鬱蔥佳  
氣皇基壯煖赫文光帝業昌曉霧收開仙仗日天風吹送御  
爐香白龍多被恩與榮侍立丹墀近耿光海國十歲遇聖明  
我王歸貢赴丹誠牧民寵受朝鮮號作室新開漢邑城一水  
繞南流汪洋三山鎮北嶂崢嶸舊國地理何須說榮荷皇恩

樂太平

并龍  
興錄



權近

見

陽村常奉使朝天

明太祖問朝鮮形勝仍命賦詩陽

村即應製

高皇稱以老實秀才其咏金剛山詩曰雪立亭

亭萬千峯海雲開出玉芙蓉神光蕩漾滄溟近淑氣蜿蜒造

化鍾嶠岬崗巖臨鳥道清幽洞壑秘仙蹤東遊便欲凌高頂

俯視鴻濛一壑膏鄭之什謂此詩起頭寫出金剛真面目

小

詩評

鄭以吾

見

國初之業鄭郊隱李燠梅最善公之二月將闌三月

來一年春色夢中回千金尚未買佳節酒熟誰家花正開之

作不減唐人情處李之神仙腰珮玉璫來上高樓掛碧牕

入夜更彈流水曲一輪明月下秋江之作亦楚之有趣又聞



騁詩曰三十六宮春樹陰蛾眉夢覺午牕深玲瓏百轉愁

聽盡是香閨望幸心酷似杜舍人

詩雙話

朴淳

太祖駐蹕咸興使者無一得還

太宗問誰可使判樞

朴淳請行不用使車自持子母馬入咸興以其子馬繫樹騎其母馬以進子母踴顧相呼鳴徊徨不前及上謁太祖恠

而問之對曰妨於行路繫之母子不忍相離雖微物有至情

也以此諷諫

太祖憾然不怡以潛邸故人留之一日

太

祖與公博戲適有鼠抱其子墮自屋角至死不相捨公伏泣

開諭

太祖乃許回蹕公辭還行在諸臣請殺之

太祖度

其行已度龍興江然後授使者劔曰若已渡江勿追也公以



病淹留才至江未及登舡遂折其腰時有詩曰半在江中半  
在舡云々 太祖聞其死大驚慟曰朴淳良友予終不食言

決意南還

太宗命畫半身以著功

老筆集  
謹狀

姜淮伯

原通亭淮伯玩易齋頌德仁齋希顏祖子孫三人皆以

文章大鳴噫歷觀往古讀書能文章者為難雖能文章而成一

家傳後世為難雖傳後世能奕世趾美不墮其業者為尤難

求之於古僅得蘓杜二家我東獨通亭一家豈不偉哉通亭

寄燈明師詩曰人情蟬翼隨時變世事牛尾逐日新想得吾

師禪榻上坐看東海碧剡々玩易齋題秀庵上人軸曰占斯

烟霞心目閒第次高架碧孱顏飢殮倦睡無餘事春鳥一聲



字濟夫多施齋澤陽人  
太宗朝金第判中樞  
奉詔出

花滿山仁齋咏松曰階前偃蓋一孤松枝幹多年老作龍歲

暮風高指病目擬看千丈上青空格最高

詩評

○少時讀書

于智異山新俗寺種梅株於庭前仍題詩曰至今傳為政堂

梅曹南溟有詩曰寺破僧羸山石老先生自是未堪家化

定誤寒梅事昨日開花今日花蓋識其失節而咏也

脩眉  
清史

趙忠號施齋喜作詩而不工贈玩易齋詩曰獐巡山裏去魚在

水中沈鴻鴈飛千里雉三表我心琴軒謂文悼公金壽寧曰

此詩何如時適早文悼曰燒施齋集則兩矣

謏聞  
瑣錄

卞季良

見原

春亭繼陽村掌文衡然文章軟弱文士金久罔以能

詩名每見春亭取著掩口大笑一日春亭告暇遊村庄偶得一



恭應武王文王我朝  
如議改府事更之  
新平人

句云虛白連天江郡晚暗黃浮地柳堤春自負得美聯將入  
京上奏有人言諸久周久周曰詩甚鄙屈若上奏是周上也  
我昔有詩云驛亭把酒山當戶江郡哦詩雨滿船此真上奏  
之詩也其人復告春亭春亭曰當字未穩不如臨字其人又  
言於久周久周曰人謂春亭不知詩信然古詩不曰南山當  
戶將分明乎其人又告春亭春亭曰古詩不曰青山臨黃河  
乎久周真不知反笑我為云、  
情齋  
最話

李唐號瘦梅詠汲黯詩曰諛諛從來易得親君看大將與平津  
高才久屈淮陽郡孰謂當時社稷臣痛惜之意令人悲慨且  
如舍後桑枝嫩吐西藏葉抽波塘春水滿穉子解撐舟何厭



字自修恭懿子也第  
我朝佐命初頭相  
字府院君五景公

唐人詩評

成石磷號獨谷出按關西眷定州妓入州留數日將出有雨微

公欲留焉問邑宰曰恐有雨候如何邑宰不解公意乃曰今

日當不雨公不獲已發向嘉山路中雨作賦詩曰却恨雨師

無老手嘉平館外濕征衣

謏聞

○太祖三年帝以本國遣

人誘遼東遼將等事下詔責之命太宗奉表南在奉箋赴

京師朝臣皆危之公以贊成事作詩送之曰知子知臣睿鑑

明畏天誠意為生成皆言萬世朝鮮慶在此炎霖跋涉行

龍

法

柳方善號恭齋從釋義砧號月牕者學杜詩傳於子叅議允謙



世補能通杜詩 成廟嘗令以論文註解杜詩間有迂曲處

皆月牕之取傳狀恭齋遊西城有詩云苦被風光惱客懷杜

藜徐步郡城西柳垂一片吟春鳥花覆千家響午鷄此擊杜

而剽竊者又咏紅桃花曰肉林淫戲憐摘受錦幃豪奢認石

崇牧野血痕猶滿地閨中火焰尚燒空此欲巧而以肉林血

痕比桃花似不雅詩關漢錄○文宗時人 太宗乙酉進士

孝寧大君補好讀書善射嘗題果川文殊臺詩曰仙人王子晉

於此何年遊瑩空鶴已去片月令千秋又曰有客脚猶健斗

登雲外櫻琴寒鶴不返片月空千秋清爽有音可逗唐人脩

史清



僧屯兩者幻庵之高第也自幼力學無不精究又能詩與牧隱  
陶隱諸先生相酬唱我朝不崇釋教名家子弟不得祝髮以  
故緇徒無知書者師名益著四方學者如雲集詣賢學士皆  
就問榻下蔚為儒釋士林之表人皆敬焉我伯仲氏常讀書  
檣巖寺見師年九十餘容貌清癯氣體尚彊或僅日不食不  
甚餒或喫盡數鉢飯亦無飽意雖至數日未嘗如廁徹夜看書  
少不交睫偃卧日本僧文溪求詩緡紳作者數十人師亦承  
命賦詩曰水國古精社灑然無任人火馳應自息柴立更誰  
親楓岳雪生屐溼城月滿巾風帆海天闊梅柳故園春時卞  
春亭主文改灑然無任之句為蕭然絕世人師曰卞公真不



知詩者蒲然豈如灑然絕世豈如無位乎是斷喪自然無為

之趣耳每見文士悵々不已今有千峯集行于世

明衛兼話

李孟

上見

傷無子詩曰自從人道起於寅父子相傳到此身我

罪伊何天不管未為人父髮絲新其後夫人妬悍搆家禍公

因此得罪流寓而卒

懷齋叢話

○李文忠學問有稼穡之風妻甚

妬悍平生不曉粉黛竟無子晚年自悔其時有一朝士十年

生十子家貧無以養育見公傷無子詩遂和之曰甲子乙丑

與丙寅丁卯戊辰亦分身己巳庚午辛未癸十年十子面目

新聞者大笑

脩眉清史

魚慶甲

見

書適庵謏聞瑣錄載余高祖提學公慶甲荅禹廣州



詩曰登高遙望古人廬聊向江頭問鯉魚是非物情隨世變

奈何吞釣不吞書批云寓意深切今按此詩逸於世稿其得

於傳誦歟

釋官  
稊記

崔修有能詩聲嘗謂人曰吾於路上見鼠穿穴偶得句云而鼠

縱橫穴未得其對及見禽成巢遂足之云小禽委曲巢皆出

自然非經營也又作琴師金自燕詩曰我昔驪江上吟鵲

琴半夜獨鳴琴初覩石竇吟泉咽却呀松牕爽籟侵白雪陽

春遺響在高山流水古情深喜聞今日相思調彈盡年來不

見心

補齋  
叢話

○全州人  
丁未文司成  
世宗

端宗大王

見廢居寧越有詩曰嶺樹參天老溪流得石喧山深



多虎豹不夕掩柴門語極悲涼讀之淚下

山華詩評

成三問

原咏竹詩

曰紛々衆草競芳辰誰向窮冬風雪親植物

無知惟角許西山獨有採薇人可觀其主節之卓然令人可

肅

後眉清史

○夷齊廟詩草木亦沾周雨露愧君猶食首陽薇劉

峻辨命論云夷齊斃淑媛之言注夷齊米薇有女子謂之曰

子義不食周粟此亦周之草木也因餓首陽成詩偶然符合

耶或因用此事歟

清脾錄

金時習

見原

悅卿高節牢爾不可尚已其詩文俱迢迢以遊載不

用意得之故強弩之末每雜蔓語張打油可厭也題細香院

曰朝日將曠曙色分林霽開處鳥呼羣遠峯浮翠排牕者隣



寺鍾聲滿巖聞青鳥信傳窺藥竈碧桃花下照苔紋定應羽

客朝元返松下閑披小篆文昭陽亭詩曰鳥外天將盡吟邊

恨未休山多涎北轉江自向西流鴈下汀洲遠舟回古岸幽

何時拋世網乘興此重遊山行詩曰兒捕蜻蜓翁補籬小溪

春水浴鸕鷀青山新處歸僧遠橫擔烏藤一個枝俱脫去塵

臼和平澹雅彼纖靡雕琢者當讓一頭也怪叟詩話○贈空庵恩

俊師二十律其一曰空色觀來色則空更無一物可相容松

非有意當軒翠花自無心向日紅同異、同、異、異同、

異、同、欲尋同異真消息看取高、最上峯護閣頌銘

世祖大王見原春日偶書一句于柱上曰綠羅剪作三春柳紅錦



我成二月花聖日見有一句足其下云若使王孫爭此色春

光不到野人家上閤左右皆不知有一門卒伏地曰死罪臣

所書也

上命官之

五山說林

○

問其姓名乃寧越校生黃謙多辛貴元也即今楊第榮顯也上一作成宗初事

申叔舟

原見

保閑齋叔舟二樂亭用既企齋先漢祖孫三人皆以

文章典文衡保閑嘗北遊寄中書諸君詩豆滿春江遶塞山

客來歸夢五雲間中書醉後應無事明月梨花不怕寒二樂

楊花渡詩水國秋高木葉飛沙寒鷗鷺爭毛衣西風日落吹

遊艇醉後江山滿載歸企齋獨直內書聞夜雨詩江湖當日

亦憂君白首無眠夜向分華省寂寥疎雨過滿窓桐葉最先

聞三魁堂遊渡亦保閑之孫能文章傷春詩茶甌飲罷睡初



驚隔屋聞吹紫玉笙燕子不來鳴又去滿庭紅花落無聲諸

作何讓唐人

小華詩評

李石亨

見原作

詩多愛置字如云烟拖野色添春色風送松聲作

雨聲麗朝東湖居士徐師川亦喜此體有云雪中出去雪邊

行屋下吹來屋上平積得重、那許重飛來片、又何輕又

感懷詩云經濟三朝一老臣廟堂深處儼垂紳當年事業何

須問神殿神宮不日新

嶺南野言謂李石亨詩也

○璫錄

成侃

見原許

筠云東詩無效古者獨成侃擬陶鮑詩深得其法諸

小絕句得唐樂府體賴得此君殊免寂寥囉嘖詩云為報郎

君道今年悵不悵江頭春草綠是妾斷腸時郎如車下轂妾



似路中塵相去仍相遠者、不得親綠竹條、勁浮萍箇、

輕願即如綠竹不願似浮萍其此詩之謂乎詩小年○集賢諸

學士上巳日遊城南和仲氏字侃及第有新名故邀之也學士

分韻為詩和仲氏得南字云鉛槧年來病不堪春風引興到

城南涉坡芳草細如織正是青春三月三諸公閣筆及為博

士與提學李伯高在臺坡伯高拈句云玉堂春暖日初暹睡

倚南牕養白痴啼鳥數聲驚午夢杏花嬌笑入新詩和仲氏

次云乳燕鳴鳩盡刻連春寒太液柳如痴臺坡睡罷無餘事

時辰蚤賤寫小詩慵齋叢話

成倪與同年元壽翁赴京元曼題赤行至平壤適侍房之妓曼



亦檣赤余戲作詩曰箕郝城南朔風寒春風如何上昊端醉

後一雙金樞爛送前兩棠晚楓丹帳中光影偏相照客裡風

情慘不歡我是直言吳可立為傳聲譽滿長安龍山有老宦

吳可立若見行客晚妓之事每說於人故及之嬸齋人寧

磬叔任之弟世祖士午文恭贊  
文衡燕山甲子追荆後謹文戴公

李約東見號危村平生以清慎自許訓子孫必以見金如石詩

曰家貧無物得之分惟有單瓢與瓦釜金玉滿籬隨手散不

如清白付兒孫脩眉清文

姜希孟見為遠接使曹梅溪偉為從事到關西唱和甚多公戲

謔梅溪有絕句云郎心飄蕩風中絮妾意團圓盤上珠行



只在盤中轉絮飛萬里終難領九華峯推大同堙鴛鴦要罷  
誓明神適來何事阿娘子百媚千嬌誤落人點筆羅襦千萬  
字一字一畫一心鋒墨跡未漫卽心改始信秦皇烈煥功  
文良公之西都妓曾薦枕者已老公憫之有詩曰十年重到  
關西地妓已瞠々客又翁寧至龍灣遠還有詩曰渭江重見  
先侶兒隨我他年有好期自說龍灣曾訪處欲從車馬勝遊  
時閑吟鐵笛誇新巧略掃花髮愧漸稀不覺半途雲雨散獨  
來旅館轉孤危又題其扇曰吾猶墨髮爾紅裙醉把長竿上  
統軍重到龍灣真似夢不妨吹破滿江雲十二年前贈別離  
重來相見夢耶非鏡中不識容華變猶把情悰話舊時其後



妓並老而落籍每使客至西都妓必以厭詩呈之多蒙賞吟

賙恤之優

平壤志

趙起宗成化丙戌年間有一年少鄉生趙起宗者寓居樂善坊

與余偕肄業於南學趙方穉少未解句讀不諳詩律一日夢

入一空家曠爽寥闊棗花新聞似初夏而庭草始生谷風習

習即嘆春也有二三書生皆非平日所識勸趙賦詩即口占

一絕曰樹上東滿開空家寂無人春風吹不盡萬里草多新

纔而託之不遺一字語同學生書于壁翌日趙死亦恠笑

問謔

錄

安環靈巖徘徊樓詩徘徊樓上月徘徊客子徘徊亦快哉玉兔



幾年仙藥搗素娥何處鏡奩開搖波散百東坡水對影成三  
太白盃直到夜深天似洗好風吹送桂香來一時以為佳作  
然東坡百太白三本李文順語而安又於呂寧秋月軒詩云  
搖波散作東坡百對影真成太白三有何新語而屢用也

祥官

雜記

字子珍乙丑生世祖朝  
而咸文工判提學順興人

朴槲謙

見上

近代武臣之能詩者不過數人然皆無可觀惟朴槲

謙少時在中文忠公幕下有詩曰十萬貔貅擁戎樓夜深邊

月冷狐裘一聲長笛來何處吹盡征夫萬里愁後題興德縣

培風軒口屹立亭、萬仞峯、頭高閣迴臨風地連蓬岳三

清界人在瀟湘八景中雲帶山腰橫縹緲水涵天影接空濛

秋江冷澹中文忠公懷一  
日宴於介亭中曰有能作  
詩者今日是夜余攜香上  
堂子亦付余朴槲謙  
詩應聲而公意大推  
上



忽看遠浦歸帆疾木道遙連漢水通武弁中有此作未易得

也

稗官  
雜記

鄭氏古之婦人能文者如曹大家班姬以下不可殫記我東女  
子不事文學雖有美姿止治紡績故婦人之詩罕傳惟我朝  
鄭氏所咏昨夜春風入洞房一絕載於曲佳宋人詩話又有  
咏鶴詩一雙仙鶴叫清宵疑是丹邱玉簫三島十洲歸思  
潤滿天風露刷寒毛又有宗室甫川令内子咏冰玉詩最合  
床頭盛美酒如何移盃小溪邊花間白日能飛雨始信畫中  
別有天瀾雪軒許氏宮詞清齋秋殿初夜長不放宮人近御  
床時把剪刀裁越錦燭前開繡紫香香趙承旨瑗妾玉峯李



氏補為國朝第一其節事詩柳外江頭五馬嘶半醒半醉下

樓時春紅欲瘦臨粧鏡試畫梅腮半月眉楊斯文士奇妾聞

怨詩西風慙慙動梧枝碧落冥冥鴈去遙斜倚綠牕人不寐

一眉新月下西池諸篇各臻其妙自是閨房之秀

小萃詩評

無迹

見李安分希輔常謂僕曰余少時與魚潛夫遊魚有詩

云春夢亂於秦二世閑愁強似魯三家此乃新語古今詩人

所不到也潛夫無迹字也

松溪漫錄

申象村欽晴窓軟語曰此詩

語意俱新句亦峭勁非等閒觚墨者之作或言文官林闌之

作而恕未詳

成宗大王

見見平陽碑文以詩尾之曰先朝身許國安危功臣



山河上鼎彛爽氣空留圖書裡英才今想急難時石床苔覆  
山羊睡密隴雲深野馬嘶衰草月明涼露滿行人幾欲問為  
誰寢寐美豪感舊圖今之意溢於辭表真帝王之言

小華詩評

○

獻壽于貞熹王后仍親製春帖詩以進二律曰三元佳氣妙

春陽斗柄東回石物香騰雪欲消暎日東風吹暖入椒觴

門、鷄唱新年瑞靄、雲開舊日光同極情懷何以報惟知

慶祚祝靈長又云頒甲春初喜色來雲凝殿裡曙光開椒花

香動十年頌栢葉青浮萬壽盃羲日未消千嶂雪舜風先發

一園梅乾坤萬象真如畫屈指吉祥未罄枚誠存藹然太平

之像溢於言外

脩眉清史



徐居正上見咏雪云禪家初喜皎然至詩墨還逢白也未若作顛

狂春後絮相從淡薄腸前梅其大手段固自以為擅場如此

說聞  
環錄

○次祈天使詩曰金巖日煖初楊柳飣水春寒未杜鵑

黃柳村汝獻歆艷不已僕質於鄭閼陰則曰頗有語病吾不

知其義也一揚一抑兩意思不同退而思之此一聯之對專

用元人詩語彼則以西地相遠故着初未二字固宜金巖飣

水朝發夕至豈有日煖春寒之有異此是語病當以湖陰之

言為是

松溪  
漫錄

○我伯氏任成三度為黃海宣慰使與安岳奴相

別於龍泉館前潭水上又與州奴相別於此任西河元潘亦以

平壤宣慰使率奴來別於此有人戲作詞云川鳴咽而如泣



方旭朝曦之淒涼因名潭口嗚咽灘相國作詩戲之曰惶恐  
灘前惶恐意喜歡山下喜歡情如何嗚咽龍泉水却似情人  
哭別聲又云黃州館裡花滿闌前度劉郎三度來嗚咽灘聲  
何時歇朝送別哭如雷情齋○菊山東軒詩曰樓敵岳陽

天下一地隣蓬島海中三趙松岡士秀按節嶺南語僕曰觀  
列邑題咏徐四佳蔚山之仰最為奇壯僕曰安相公琛之昌  
寧秋月軒詩曰搖波散作東坡面對影真成李白三未知孰  
優趙公曰彼壯而此工相上下也僕蔚山詩云白鳥去還惟  
有海青山盡處更無村亦四佳遺意也松溪漫錄○山海關門額  
揭天下第一關東國人稱為秦李斯筆此齊東之見也不惟



李斯不習楷字且山海關明初中山王徐達所尊者也問中原人則以為蕭顯所書而不識顯為何許人也常見徐四佳集有曰用蕭進士山海關登樓詩韻註曰廣寧道中遇遼東卹生信宿同行間以進士蕭顯秋日登樓詩見示又求余和其篇中有客乘輅來望關何人衣錦此還鄉註曰蕭詩有榮還衣錦之句云此天順庚辰徐公使中原時所作而蕭顯係是遼東人則書山海關額斷然無疑盡葉記○公陽村外孫也六歲屬句人稱神童八歲居陽村坐四佳曰古人七步成詩尚似遲也誦五步成詩陽村大哥指天為題因呼名行傾三字四佳應聲曰小華詩評○英廟朝人才輩出一時文章鉅工甚



多古詩雖愧於前人而律絕亦無警策惟四佳雖曰漫衍緩  
吟而春容富艷時有好處如遊蜂飛不定閑鴨睡相依月色  
蛩音外阿聲鵲影中更欲乘鸞吹鐵笛夜深明月過江南等  
句亦有佳趣金華崖詩亦豪放如柴門不整臨溪岸山雨朝

看水生窓虛僧維衲塔靜客題詩等句殊閑遠有致

惺史詩話

○天使祈順奉詔來也四佳為遠接使一日祈順遊漢江濟川亭四佳先  
唱風月不隨黃鶴去烟波長送白鷗來之句有若挑戰者天使即次曰百  
濟地形臨水盡五臺泉脉自天來回顧四佳曰是否四佳色沮先輩  
以先交脚後仆地為譏蓋煙波之句只咏景物着處可用百  
濟之句漢江形勝摸得真狀祈以中華之人是未曾到而



領畧山川輸入一句立談之間造語絕特宜乎四佳之騰落也余嘗與諸文士論詩余曰四佳此句全用中庵蔡洪哲詩一聯而只收相逐二字為長送可發一哂諸人皆駭然曰四佳國朝大家豈如是剽竊他人全句乎必是中庵蹈襲四佳而用之矣余曰中庵卽麗朝人此詩乃月影堂所賦而明載於東文選則蔡用徐作耶徐用蔡作耶且東文選卽四佳受命所換也眼目宜慣欲豎天使之降幡故取用爾諸人始乃釋然蓋後世之傳誦此句者皆補四佳之作不知中庵之為本主余自笑曰中庵不幸遇四佳而沒其警語又幸遇余而辨其主客若使中庵有知於九原必當鼓掌稱快矣

詩評 ○



公為詩善用古語湊合東坡吾亦未知其趣耳臣今時後一  
中之錢牧齋吾道非欤何至此臣今老矣不如人牧隱山川  
信義非吾土歲月如流觀我生後生可畏吾衰矣至道難聞  
子慎之子獨有情從我蔡山多不俗起予商木鐸二三何患  
子舞雩六七咏冠童王風幸矣興於魯女樂胡然至自齊四  
佳在春坊有人出縣口治國其猶指諸掌崔文靖恒對曰在  
人者莫良於晦

清輝錄

鄭子堂

原

佯狂傲世作絕句以為行狀曰佯狂半世欲全身竊

餅偷梨駭俗人貌學俳優心學聖詆諆放狂本非真

開記

姜渾接嶺南鍾情於星州妓銀臺仙一日自星巡向列色監司



以風寒之官雖薦枕本邑不得駢載而行舊例也妓隨往于  
扶桑驛不忍別仍宿于驛翌朝贈詩曰扶桑館裡一場歡宿  
客無衾燭燼殘十二巫山迷曉夢驛樓春夜不知寒蓋寢具  
先送開寧未及取還故無衾而枕也遺闕○廢主雖荒淫亦

喜詞藻姜渾久為知中事嘗以寒食園林三月暮暮花風雨  
五更天為韻命近臣製進渾為冠詩曰清明御柳鎖寒烟料  
峭東風曉更顛不禁落花紅襯地更教飛絮白漫天高樓滿  
水零珠箔細馬尋芳耀錦韉醉盡金樽歸別院綵繩搖曳盡  
欄邊主大加補賞賚物甚多嘗悼亡姬令詞臣製挽李伯益  
詩曰宮門深鎖月黃昏十二鐘聲到夜分何處青山埋玉骨



秋風落葉不堪聞主桺補贊遂自吏郎擢直提學二詩雖好

而二公亦因此不振云

惺叟○字四浩成宗丙午文翰閣詩話贊成靖國功晉川君文簡公

號木溪有文名

李承召徐四佳久為大提學故一時如姜晉山李城城金永山

皆不得主文而先歿李陽城之燕詩有絲楊門巷東風晚青

草池塘細雨迷之句酷似唐人

惺叟○世宗丁卯文湖堂禮判佐理功陽城君同

年重三場壯元能文號三難陽城人文簡公

妓笑春風永興妓或云北青妓成廟朝宴羣臣命笑春風行

酒春風歌此而勸酒

上喜甚賜錦綺其歌曰齊王大國

出楚王晏意大國以王王以意勝國以間在齊楚王州



斗斗斗斗小國以工豆事齊事楚立斗斗四章以下一作斗

事齊事楚  
斗斗斗斗  
○禪記

柳仁貴柳夢窩希齡大東詩林載其先人睡齋宿樂生驛詩曰  
日夕衆山暗遠來投樂生征驢吃殘草老僕飯香粳索枕背  
燈睡把盃斟酒傾時、呼長老屈指問前程夫征驢吃殘草  
既行李蕭索老僕安得以飯香粳乎既背燈睡則又安有把  
盃之事乎且把字斟字傾字皆一樣意尤可絕倒又宿樂生  
驛一箇日而曰時、呼長老何也驛隸非禪道之比而指為  
長老亦何也屈指字本漢書陳湯傳屈指計其日不出數日  
當有吉語聞今問前程而便屈指亦未見其穩也

禪記○  
子字



榮晉州人號晒齋  
燕山丁巳文禮議

曹偉見原叢話云辛丑奉使關西仍歷黃海覆審邊邑農事辛壯

元李瑒時為黃海幕客過于黃州偕內安岳渡延津題一絕

于亭上求和曰蕭蕭蘆葦滿汀洲却恐前呵起白鷗徒倚江

亭空悵望烟波渺晚山愁酬唱甚多明年李瑒入玉堂為

修撰與余毫泚箭串以事俱被劾未幾李瑒夭余以詩哭之

曰箭串春風同扈駕延津落日共題詩云李瑒有器局志

節士林咸惜其未遠到

譔聞  
堞錄

安命世九歲時以杜鵑花摘押硯滴其父命賦詩即成一絕曰

杜鵑花一萼來自碧山中硯滴生涯寄他鄉旅客同父見



之泣蓋知其意趣悽苦殊非達達之象故也後果妙年登科

官至翰林以史冊書蹟例敘三大臣燕山朝被禍

水村漫錄

李希輔

原見

能文章號安分堂燕山喪愛姬悼甚使諸臣挽之市

輔製進一絕燕山覽之慟哀賞其最優因此驟至大官後時

議薄之終為坎軻春日偶吟詩錦繡十林鳥亦歎天工猶自

喜繁華門前枯木無枝葉春力無由著一花其自傷之懷可

見而詩亦絕佳

小華詩評

金宗直

見

常出寄善山有詩曰津吏非隴吏官人即邑人三章

辭聖主五馬慰慈親白鳥如迎棹青山惜送賓澄江無點綴

持以律吾身詞極典雅長峴村家詩曰籬外紅桃竹數科零



零雨脚閒飛花老翁荷未兒騎犢子美詩中西崦家可謂詩  
中有畫且如霜後梧桐猶翠、月明鸚鵡自翻、則其寒淡  
如此鳩鳴穀、柿棠葉蝶飛款、蕪菁花則稚麗如此所謂

冠冕國朝豈虛語也

詩小評

○畢齋文竅透不高崔東阜最慢

之其詩專出蘓黃宜銓古者之小者也仲元嘗言鶴鳴清露  
下月出大魚跳何減風唐乎如細雨僧維衲寒江客掉舟其  
閑澹有味斯言蓋得之○前輩讚畢齋駘江所咏十年世事  
苦吟裏八月秋容亂樹閒之句然不若神勒寺取作上方鍾  
動驪龍舞萬竅風生鐵鳳翔之句洪亮嚴重此直撐柱宇宙  
句也其實泉灘卽事曰桃花浪高幾尺許銀石沒項不知處



兩、鸚鵡失舊磯啣魚却入孤蒲去此最伉高東京樂府篇

篇皆古

并怪史詩話

○古稱鸚鵡能言永樂丁亥欽差內使金壽

等來帝賜鸚鵡六籠皆不能言成化間琉球王遣獻鸚鵡一

隻亦不能言伴齋遇之於東都作詩云珍禽隻獻到東郵

伴檣鳥日夜馳鳴咽已應非故土嬋妸還欲學癡姬

謂是鳥不能言

翠衿自惜菱花照紺趾難辭玉鎖縻爭似九苞丹穴鳳不言

猶瑞太平時

稗官記

金駟孫

原見

以文章自名南哀嘗補曰挹翠之詩濯纓之文可謂

絕等文集行于世詩則罕見三嘉觀水樓詩曰一縷溪村生

白烟羔羊下括護爭先高樓樽酒東西客十里桑麻南北汗



句之有聲遊子拙杯斟無事使君賢倚欄更待黃昏後觀水

仍看月到天詩與文孰優觀者詳知

漫松溪錄

亦仙班其二曰懶依紗牕春日逢紅顏室老落花時世間萬

事皆如此叩角狂歌誰得知按下篇乃弘治時藍衣老人贈

韓生之詩事見秋江冷話蓋必朴繼姜者手軸求詩公以詩

詞意正合於朴故聊與戲題耳

并釋官雜記

金宏弼

見原

先生以興起斯文為己任學徒執經升堂皆不能容

等小齋號以寒暄又往來講業于伽倻慕齋金安國詩曰聞

說金公棲等處伽山應是武夷山者是也

淵源錄

鄭希良

見原

雷燕山朝逃禍為緇徒浮遊山水老不知所終嘗到



一寺題壁間曰朝天學士五更寒鐵馬將軍夜度關山寺日

高僧未起世間名利不如閑居僧傳之識者知其為虛庵作

也以余觀之不但詩高人亦高詩評○昔有數三儒生携婉

婉會于山寺酒闌醉卧有僧自外來容貌黎黑衣裳藍縷暗

書琴底曰鷗絃鐵撥撼高堂玉指纖纖窈窕娘玉峽啼猿哀

淚還衡陽歸鴈惡聲長凍深滄海龍吟壯清徹疎松鶴夢涼

曲罷冬橫仍月落滿庭山色曉蒼蒼因忽不見皆以為非虛

庵不能作也松溪漫錄

南孝溫見余遊關西詩數百篇李仲弓獨取箕子殿詩二句曰

武王不憎受成湯豈怒周二家革命間聖人無怨尤此詩可



駕古作餘無足取儕友疑其論太過余惟李齊賢詩拙翁全  
稿塗抹只留應慎宿客開門早要者庭前雪壓松之句李之  
詩才可步大元詩集不啻十萬篇僕之學詩日淺而關西之  
詩數室少且仲句詩眼過於拙翁則取僕二句亦已過矣悵  
而思之李論頗穩○余嘗作征夫怨和元遺山詩其一曰白  
草凋霜月滿空年、鞍馬任西東今嚴萬幕平沙夜部伍相  
招鼓角中金東峯時習見而失笑曰惜大謬矣豈有令嚴之  
時復有相招之事乎取小雅以示余曰之子于征有聞無聲  
允矣君子之戢也大成余深味其言悵告餘慶餘慶嘆服不已

秋江  
吟話

○先時詔使張瑾作箕子廟詩曰當時忠義忤商王懷



忍為奴社稷亡白首有封逢聖武黃泉無面見成湯秋江非  
之作詩曰見上四句狡童逞驕淫不我聽嘉猷家亡道不亡為  
周陳九疇洛書道有傳彛倫明九州乃知道公光傳受無親  
儼小人張瑾者平地生疑謀以師武王事指為黃泉羞虬螭  
撼大樹螭蛄味春秋故都發漸、沮江流悠、田間遺井畫  
大野桑麻稠人死物情字至今禮樂區西遊謁祠宇神靈儼  
若留人之所見相遠有如此者若南詩說破箕子心事無餘

蘊矣

平壤志

李得見鄭洞陰卜等於宜寧鼎津上壁上只釘容齋訥齋適庵  
三詩其為湖陰所服可知容齋一縣云江湖魚得計鍾鼓鳥



非情湖陰嘗諷誦

松溪漫錄

○我國詩當以容齋為第一沉厚和

平澹雅純熟其五言古詩入杜出陳高古簡切非筆舌所可

讚揚吾平生所喜詠一絕平生交舊盡周零白髮相看者影與

形正是高樓明月夜笛聲淒斷不堪聽無限感慨讀之愴然

惺叟詩話

○次天使唐阜詩曰縹緲三山看覆鼎逶迤一帶棲投

金覆鼎三角山之一名投金江楊花渡一名也對偶甚精此

一聯蕪退休相公所作云

松溪漫錄

○詠朱雲詩腰間有劍何煩

請地下無人亦足遊可惜漢廷愧里令一生猶識佞臣頭古

今詠朱雲者無此意思雖查唐宋集中無妮笑

稗官雜記

○年十

八九歲文名頗振長者以美人手折牧丹花為題立書云牧



丹舍露真珠顆美人折得牕前迴舍笑問檀郎花強妾貌強  
檀郎姑相戲強道花枝好美人妬花勝踏破花枝道花若勝  
於妾今宵花與宿文聲由此並揚○天使唐皐白日銀灘詩  
云江水浩々去好灘浮白銀無乃守國禁寧捐內通津蓋以  
我國禁銀之謂也容齋和曰名銀取其色此水豈生銀今日  
玉人過更宜名玉津世稱其敏脩眉清史○世謂中國地名入詩便  
佳如九江春草外三峽暮帆前氣蒸雲夢澤波撼岳陽城等  
只加數字而能生色我東皆以方言成地名不合於詩云余  
以為不然容齋天磨詩細雨靈通寺斜陽滿月臺蘓齋漢江  
詩春深楸子島月出濟川亭詩豈不佳惟在鑪錘之妙小華詩評



蘓世讓

見原

詔使華察鴨綠江詩春江三月送浮槎日落潮平兩

崑沙天地今未分異域風塵北去愧皇華波翻鴨綠初經雨

柳帶楊黃未著花四海車書今一統東藩文物自商家遠接

使暘谷蘓世讓次曰溶々清浪泊靈槎騎從如雲簇晚沙始

識天公分物色故教仙客管春華烟含濯々江邊柳雨浥離

離崑上花一脉斯文情誼在車書同屬帝王家詔使歎賞華小

詩○少時以剛腸自許每曰為色所惑者非男子也聞松都

娼黃真才色絕世與儕友約曰吾與此姬同宿三十日即當離

絕不復一毫係念過此限若更留一日則汝輩以吾為非人

也行松都見真果名妹也仍與交歡限一月留住明將離去



與真登南樓飲宴真少無悵別之色只請曰與公相別何可  
無一語願呈拙句可乎蘓公許之即書進一律曰月下庭梧  
盡霜中野菊黃樓高天一尺人醉酒千觥流水和琴冷梅花  
人笛香明朝相別後情意碧波長蘓吟咏歎曰吾其非人哉  
為之更留

水村漫錄

○嘉靖甲午以進賀使赴燕序班等以公詩

文廟及卽事二詩示提督主事尚書夏言夏覽曰早知有  
才當待以異禮遂贈其詩稿一卷及還公啓其事時李仕為  
大諫論啓曰蘓某濫將惡詩誇示中原請究其罪中廟不聽  
其謁文廟詩曰晨起衣冠謁素王太平絃誦喜洋洋德尊不  
廢十年享道大難窺數仞牆壇上杏花紅半落庭前檜樹翠



成行平生只識歌鴻鴈今日摩挲石鼓傍其卽事詩曰宴開  
迎餞一旬間三月望州却未還柳絮曰於襄客鬢桃花紅勝  
美人顏春愁黯黯延空館歸興翩翩落故山早晚自當公事  
了拂衣長嘯出秦關按此詩偶爲夏公取見而謂之誇示中  
原不亦過乎且夏公心旣許之至於贈其詩禍則恐不作惡  
詩者也○丙申歲余隨遠迎使退休堂蘓公留義州公欲次  
聚勝亭暉字韻呻吟良久曰諸公多押落暉夕暉斜暉暮暉  
朝暉重墨不工今得一句曰澄江如練謝玄暉以不襲舊押  
而難其對也余對曰山谷有霜月掣金蛇之句若曰霜月掣  
蛇黃太史則似可笑而但山谷之句未及澄江淨如練之膾



矣于世也退之詩云新月似磨鍊以此對彼如何公曰然矣遂

吟曰新月似鍊韓吏部乃賦全篇時適望後嫌非新月待

後月初雪以示人因公適未至懸於亭○丙申歲余在義州

侍蘓公夜坐看唐阜室羣集余曰容齋漢江詩上極佳公笑

投金之對果為天成雖荆公復生亦無媿矣或曰此實容齋所作蘓某為已

作無恥○稗官  
甚矣○稗官

趙光祖見於綾城謫所死後成遜齋世昌魯先生如平生作詩

與世昌曰日落天如墨山深谷似雲君臣十載義惆悵一孤

墳聞者莫不憐云其雅係奇○望已冲堂獨杖配綾城累因

中有詩曰誰憐身似傷弓鳥自笑心同失馬翁猿鶴定嗔否



不返豈知難出覆盆中詞極悽切小詩評

朴祥

原見

正德年黃校理孝獻示余八陣圖詩曰此是訥齋代其

第祐作玉堂日課之詩也大提學於考第時不置優等可恠

也其詩曰兵家休說渭陽符不見夔江八陣圖天地動搖

指畫鬼神蕭瑟落規模三分海宇擊微羽萬古孫吳叱懦夫

雄籌未終星已殞至今遺蹟絕孤高蓋已卅年閑訥齋冲庵

諸公詩尚盛唐文尚西京如金承古練奇典翰導與其儕輩

皆以訥齋冲庵為師友諸公遭禍容齋典文欲改詩文之體

凡監試文科皆取平上之文少涉奇健則輒黜之故月課取

舍亦如是

樸官稗記

○南海神堂詩曰蕙肴椒醕穆將愉神衛煌



煌駕赤虬有大紫重三宿裏月星明概五更頭梢殘貝母天  
空濶鎖斷支祈海安流木杳有秋涎可卜慶雲時起祝嘏陳  
老健奇偉又嶺南樓一聯漁艇載分籠清月官羊踏破羣坡  
烟則極清緻法聖浦一聯龍宮曉出蛟人錦蜃市跳回宛女  
串則極渺冥許筠嘗云少見芝川其持論甚倨談古今文藝  
少所許如容齋而目為太腴李達而指為模擬湖陰蕪齋稍  
合作家惟取訥齋以為不可及云

小華詩評

李彥迪

見慶州東軒詩曰鳴鴈枝上七飛燕雨中煙對偶天成

不專於詩學而自嚴性情是知稟質高明則不勞而得也

松溪



鄭光弼

見原

平生所著散逸無餘謫金海詩一首外世莫得見故

掃拾以記之歸田詩曰金章已謝路漫漫、垂白歸來舊業殘

治澗石田幾數畝打頭茅簷只三間一村墾老皆新面兩岸

青山是舊顏隣里不知蒙譴重猶將濁酒慰茲還冬夜詩曰

收拾柴薪用力窮烟消櫓火通紅昏鴉棲定風初下旅鴈

聲高夜正中北闕夢回天穆、山東跡滯雨濛、一生狂走

叨名位竟與邯鄲呂枕同屬意古高辭興婉愜每詠其詩想

見其德

小萃詩評

曹伸號適庵廢寺一聯云運覆令秋葉厨餘去日樵句法奇絕

人爭諷誦公自抄所作不錄其詩無乃以少時作不滿意去



之耶

松溪漫錄

○丁酉春與成磐叔許士諤蔡香之安子珍許獻

之成如晦遊松都訪長遠亭豐德郡守宋叔琪設飲在亭上

仍請諸公賦詩獻之詩曰海陲落日撐金柱潮近輕波拭玉

盤一座款賞余之一句曰海門浪撼青山湧沙岸風微白鳥

飛諸公之詩皆載松都錄中有一宗室竊去失其本

謗聞

○

少有才名成化己亥隨通信使申叔舟往日本蓋洪涇虛責

達蔡懶齋壽交薦故也 成廟以御札出五題令製進又命

六承旨各出險韻以試後退居嶺之金山有詩稿五卷謗聞

瑣錄一卷其偶吟云三盃卽酒詫年希手拓南窓一詠詩泉

眼溢也魚潑刺樹林繞屋烏來稀花生顏色雨晴後柳弄腰



肢風過時誰道適庵無箇事每因節物未忘機自註云用進

退格入詩酒林泉魚鳥花柳風雨等字

擇官  
稊記

崔溥

見原文

詞簡古而詩則非其所長然嘗讀宋鑑作絕句云挑

燈撥讀便長吁天地間無一丈夫三百年來中國士如何付

與老卑于讀此詩者咸歎其慷慨奮厲之氣

稊官  
稊記

○及謫居福

川自號蘿菟山人嘗寄橘亭詩曰江路尋春晚思君步月時

年々山澗曲随分有生涯怡然自安之意可想

脩眉  
清史

文繼昌為咸陽郡守時李沆

沆世仁之子反正初世仁以諫長  
有直聲沆以無行不容於士類

以慶尚左監司拜都憲承呂文以詩送之曰明公此去似登

仙盤錯應須利刃剗收後豈無三窟兔會看一鴉上秋天沆



害而受之士林側目既至陷害士類不遺餘力黨籍神思齋按言

崔山斗原見新齋少年場中作綱目賦奇偉動盪有凌雲之氣洎

雅士禍謫居福川自蘿菴山寄橋亭詩云脩眉清史謂崔詩所作已見於

詩又與柳城隱接隣相善城隱既沒其孤布春往請學公贈

詩曰君當謂我兄我謂君如弟悠々俯仰間對面今三世末

句似韓退之馬殿中墓誌之意禪官禪記

朴公達原見罷科後居江陵與朴三可遂良為酒朋常會瓊閣亭

忘形縱飲日以為娛但兩家間水或不能措屬則各於岸上

舉盃相屬興盡乃已歲在丙子秋金中庵薄遊閑東匹馬往

訪曾未見面目各言姓名始相親款留數日乃還中庵贈詩

字大觀庚寅生江陵人  
乙卯進士字山印號長  
科官與佐步江湖



曰相逢樓隱處此地卽蓬瀛江海扁舟月飄浮一客星趣添

皆骨遠眼入鏡湖青分手又千里馬前霜葉零

脩眉清史

崔壽城

原見玩世不仕冀以免禍一日諸賢會靜菴第猿亭自外

至氣惡不能言亟呼飲之曰我渡漢江波湧艤壞幾淪僅生

主人笑曰此諷吾輩也猿亭援筆寫山水於壁問元中詩曰

清曉巖峯立白雲橫翠微汀洲人不見江樹遠依、公登萬

義浮屠作詩曰古殿殘僧在林梢暮磬清牕通千里盡牆壓

衆山平木老知何歲禽呼自別聲艱難憂世網今日恨吾生

結句有意抑自知其罹禍耶

惺叟詩話

咸子又者檢律也題蠡石樓曰山自盤桓水自流幾年興廢此



江頭彷徨更訪曾遊處昨是春風今是秋膾炙人口第三句  
尤無氣力而皆稱絕唱何也無乃以賤者而有此作為多歟

松溪漫錄

有一試官正德七年即我 中宗七年遇風漂至通州如皋訊

之乃其國主試官作詩云白浪滔天樓空布帆十幅不禁

風此身若壘江魚腹萬里孤臣一夢中出楊州府志而未攷

我國文蹟姑未知為何人記

查葉

朴繼姜自古中國多隱君子或藏於山林或混於屠市者有被  
裘褐終身者而名垂萬世本國則幅員甚狹凡論人物動以  
世類苟非冠冕之儔則鮮能自奮於文墨者況於商工庶人



乎近者市人朴緇姜者有能詩聲 中廟改玉初隨諸名士

遊彰義門外得句曰乾坤新雨露詩酒舊山川諸人歎美不

已姜木溪渾同登木覓山呼韻使賦即應云扶筇登眺渺荒

間萬頃滄波萬点山口腹於吾真一崇不將身世老江干木

溪驚服乃作市隱先生傳

釋官  
襟記

沈貞

見

山叩士禍後出居道遥亭作題咏釘板于壁上其一聯

曰青春扶社稷白首臥江湖一日夜有俠少持劍開戶而入

梓貞髮數之曰汝作士禍善類殆盡宗社幾覆汝何敢以扶

社稷臥江湖等語作詩懸板于汝若不亟改扶臥二字吾當

斬汝頭貞顫伏謝曰當如教扶字改以危臥字改以蟄何如



俠少曰否然則當改何字耶顧教之俠少曰扶字改以傾臥  
字改以訪宜矣貞只曰惟命是從其四代孫膺道遠亭感古  
詩一聯曰舊恨波難洗新愁酒欲吞蓋追其先德有無限歎  
慨底意句亦清新可喜

玄洲  
瑣談

南來

見

文章甚佳東方所罕神元寺題咏大絕皆絕唱今錄其

三首千鍾簿領抽身出十笏僧房借榻眠六月炎塵飛不到

上方知有別般天又黃金殿額普光明二百年來結構精

殿額  
缺一

字試問開山大檀越碧空無際鳥飛輕又庭前柏樹儼成行

朝暮蕭森影轉廊欲問西來祖師意溪北靈籟送淒涼許筠  
遜入詩丹而評之曰雖其人可怒可唾而詩自好余嘗見其



評曰太宗祭魏武正所以自狀可笑

小序詩評

○襄為海伯時鍾

愛海州妓適還到金郊驛初以為主倖以妓追別于驛亭待  
之不來終夜取書壁一絕曰棄走空庭窈窕驚前夜  
曳鞋聲旅牕孤枕渾無寐半壁殘燈翳復明香奩情態人莫

能及

思齋  
振言

徐敬德

見

金安老當國忌花潭名重欲害之及見憲豁迎風足

庭空得月多之句曰不過自修之士懷心遂已

五山  
說林

黃真古之才妓能詩者如薛濤翠韞之輩頗多我東女子雖不  
學書妓流中英姿秀出以詩傳於世者絕無何哉按魚叔權  
祥官襍記東方女子之詩三國時則無聞焉高麗五百年只



有龍城娼于吐彭原娼動人紅解賦詩云而亦無傳焉頃歲  
松都真娘扶安桂生其辭藻與文士相類可奇也真娘半日  
詩誰劉崑山玉裁成織女梳牽牛離別後愁擲碧空虛桂生  
號梅腮其詩醉客執羅衫羅衫随手裂不惜一羅衫但恐思  
情絕又有妓秋香翠仙皆工詩秋香蒼巖亭詩移棹清江口  
驚人宿鷺翻山紅秋有迹沙白月無痕翠仙號雪竹白馬江  
懷古詩晚泊皋蘭寺西風獨倚樓龍亡江萬古花落月千秋  
娼妓人所賤羞與為齒而令其所作如此可見我東人才之

盛也

小華  
詩評

魚叔權嘉靖辛丑歲余隨賀節使赴燕適武宗皇后崩本國人



貧亦隨班朝夕哭臨一日尚早假坐于門外中朝之官多來  
坐漢宇有一吏謂驛士洪謙曰子能賦詩乎謙曰昨夜小雨  
客懷無聊偶成一絕吏求見甚懇謙書崔孤雲詩以示曰秋  
風惟苦吟世路少知音窓外三更雨燭前萬里心吏持去以  
示其官於是爭遣吏傳寫嗔咽良久至有持茶果來慰者最  
後一人手紙筆給謙曰子其再賦謙指余曰彼亦能詩其姓  
索之遂求於余、書紙曰雕蟲篆刻本非性况遭國家豈吟  
風咏月將乎無已則有路上行紀當以其中一絕句相示其  
人曰幸甚乃寫到湯站送人東還詩曰松鵲山前路君東我  
馬西欲題家信去臨紙意還迷遂相顧傳寫如初指豈吟風



咏月時之語歎曰真知禮之國也押官雜記

趙仁奎見龔天使之來也湖陰安分與公開酒統軍亭公贈詩

姝生曰舞愛翻紅袖歆憐歛翠眉湖陰安分佯醉不復下筆

松溪漫錄按鄴海西時有人愛妓不忍別公贈詩曰心似貪花

蝶身如渡塞鴻泣川添別淚流向海門東泣川一名也鄭淵

陰間之不覺屈膝曰下句氣力尤奇健文章全體蓋在於此

林塘云同上○字彙文十宗已卯文彙判

權應仁杜詩自天題處濕當夏着來清自天當夏等字自經傳

中來詩中用經傳中字古有其法僕贈魚學官叔權詩云詩

壇我屬奔而斂酒社君尊酌則先此所謂學邯鄲步者也松溪



漫錄

○嘉靖壬寅僕隨仲氏叅判公赴燕東將觀於禮部有浙  
江書生五六人先到此畫地作字相與問答作一絕以示之  
曰天朝禮部風華集十里觀光各異鄉最苦明朝又分手碧  
天秋水正蒼々僕卽步其韻曰霜風吹樹頂疎黃蕭瑟聲寒  
苦憶鄉同作旅遊吾最遠海天低襯亂山蒼牽引聚觀呼補  
先生僕辭之曰中朝之人獎待逾量旣云幸矣又何以補先  
生曰見才不見人也是行也題一律于撫寧縣壁上其聯云  
通言頻畫地觀樂喜朝天其後壬戌年間有一押馬官來說  
一縣官舍已盡重創寫詩舊壁宛然猶存云陳談酒言有何  
所取而留玩如此其愛惜人才蓋可知矣○吾友鄭和文翼



公之來見也卜居于宣川將柳斯文永吉公出守是郡鄭憲

海鷗卵十二枚獻于守、答之以書曰君方卜尊海上先殺

十二白鷗他日忘機誰與為友由是鄭得殺風景之名僕鍾

愛龍灣人為構數椽不數年伊人撤屋徙居也足魚公權叔出

入龍灣凡十九度而不見九龍川故與僕得是名僕有詩云

殺鷗病叟緣無肉撤屋佳人惡不來若茅殺風浮白飲我令

常飲茅三盃翌日也足公乘舡九龍淵為飛廉所排又置前韻

云九龍併力排舟追白鷗成羣問罪來蓋嘲魚鄭也松漢漫錄

仁宗大王原見進大殿春帖子詩曰杓指東方節候新風雲佳氣

是良辰樓邊浮舞御書鳳苑裡遊嘶保德獐白雪將殘知送



臘青芽欲吐，覺迎春年。每被殊恩渥，祝福端耳警。芳身與

罷和暢，有太平氣象。而臨御未滿一歲，嗚呼痛哉！詩小華評

金麟厚

見原

梁松川極贊其登吹臺詩，曰：梁王歆舞地，此日客

登臨，慷慨凌雲趣，淒涼吊古心。長風生遠野，白日隱層岑。當

代繁華事，茫茫何處尋。沉着俊偉一洗纖靡，可貴也。

惺叟詩話

林億齡

見原

詩有奇偉氣，落不隨時俯仰。詩學青蓮，而家數甚

大，如人方憑水檻，鷺亦立沙灘。白髮雖相似，吾閑鷺未閑。其

睥睨豪橫之氣可見。

晴窓軒語

（）於乙巳之禍，與其弟百齡志意

不同，不叅勳銘，而猶仕於朝。陰澤陽府事，作詩曰：朝趨北關，暮南州。竊比明時偽許由，蹤跡似雲舒。或卷行藏如水止，還



沅何妨混世陶腰折追忙爭名界穀將歸老海邊吾已決黃

花朱橋故園秋

遺閑  
襍錄

○要得一聯云風飄枯葉江干墜雲抱

送岑海上生其後按節閩東登三陟竹西樓所見果昨昨夢

松溪  
漫錄

○趙松岡士秀出宰濟州石川贈詩云嘗登南岳望孤

岳海中央舟楫西通浙驛驢上應房為官何異謫此別最堪

傷

未句  
缺

緡紳間皆以為此詩有古人氣像

同上

鄭士龍

京見奉使嶺南爰昌原妓相別驛亭書一絕於柱間隱微

處其一句曰斷雲愁腸無一寸檜山情刃大尖鉅權觀察敏

手亦奉使嶺南繼踵而至見柱穴所書墨未乾認為鄭書也

及見雲卿曰詩貴華而不傷檜山詩無乃太傷乎鄭驚覺失



笑

思齋  
據言

○杭州圖詩頸聯曰湖舫客憐花嶼暝蘓堤鶯擲柳

陰濃近世傳誦或曰鶯之擲字未知古有是也鶯飛柳上  
擲金梭者是兒童聯句也湖陰豈用此聯句中文字耶人多

疑之余閱唐百家妄其名有林明靈擲猿之句又杜詩樹鷄

柵詩曰織籠曹其內令人不得擲蓋擲字跳擲也足以破其

疑矣○僕嘗於結城見東軒壁上有詩板埋沒於塵埃即湖

陰詩也額聯曰波卷醜石蟠結甲日照高梁鷺鷥翎撲出海

濱景象趙竹陰希逸也誦湖陰峯頂星搖爭缺月樹巔禽動

竄深最之句三復歎美蓋曉起即景也至如山木俱鳴風乍

起江聲忽厲月孤懸舉世補之蓋木葉俱鳴夜雨來籀齋之



詩灘聲忽高何處兩吳越之句洲陰上下句取此兩詩之語而陶鑄之圓轉無欠或以月孤懸三字為不承上語可謂癡人前說夢湖陰警句何限偶記此數三句而已權松溪應仁常遊湖陰門下湖陰主文時以償相迎詔使于江上松溪在幕下每湖陰作詩安字未安必問松溪松溪安下字可其意湖陰深許之然論其詩厯其格卑近俚嘗以詩贈松溪曰痛洗鈿南詞烟熟起尋丁卯白清圓松溪雖不敢相譏不服湖陰之詩或與取親評論頻指斧鑿為言云余聞洲翁每自言平生所熟讀者商隱集以故句法或有近西崑體者然原其取祖則蕪黃耳許丁卯詩格與之相遠而勉人以丁卯者何



歎近得松溪集閱玩則句法圖熟押韻不寫下筆成篇愈去  
愈出如富家長者賤用栗帛亦文章手也其次統軍亭韻曰  
天際黑雲橫靺鞨塞西紅日墮陽平真警策之言也

詩話○

明廟嘗得一圖出示羣臣皆莫知其為何圖也湖陰進曰此  
乃西湖圖也遂以手指點曰此靈隱寺此湧金門此東坡所  
築之堤也此錢鏐之墟也此趙破之舍也此林處士之所舍  
也歷歷若曾所目見明廟以鞍具馬立于庭仍命侍臣作  
詩曰有居魁首者以此鞍馬贈之湖陰遂賦進一律曰靈隱  
寺中鳴暮鍾湧金門外夕陽蒼至金蟻蛭封猶合依舊靈胥  
怒尚涵洲舫客場花嶼暝蘓堤鶯擲柳陰濃錢鏐趙社俱無



所欲問孤山處士蹤 明廟覽而稱賞諸臣閣筆遂賜鞍馬  
許筠評謂卷容奇重說盡一部西湖志於五十六字中○文  
章用意處自有奇妙造化誠未易論也至其狀物寫景之語  
則如風雲變態朝暮無常苟非目到其境不能明悟是猶聖  
人能知聖也李芝峯所著類說評鄭淵陰後堂夜坐詩一聯  
山木俱鳴風乍起江聲忽厲月孤懸以月孤懸三字與江聲  
忽厲不相屬云許筠所撰國朝詩刪中選入此詩而評之曰  
此老此聯當壓此卷許筠以藻鑑名世則宜有所深解芝峯  
之有此賤論者豈未嘗細究而然耶余嘗過清風抵宿黃江  
驛夜半聞灘聲甚駛開戶視之落月孤懸矣因憶洲陰月孤



懸之句一詠三歎始覺古人寫景逼真其詩價對景筌高終南

兼志○黃山驛詩曰昔年窮寇此滅亡鏖戰神鋒繞紫芒漢幟

豎痕餘石縫班衣漬血染霞光商聲帶殺林岫肅鬼燐馮陰

堞壘荒東土免魚由禹力小臣摸日敢揄揚奇杰渾重耳奇

作也浙人吳明濟見之批曰甫才為龍乃反為狗惜哉蓋以

不學唐也

惺叟詩話

○陽谷曰國朝作者各擅於名家而未免偏

方氣留之系不趨於流震則或過於組織洲陰奇古峭拔一

洗委累之氣可與長吉義山較才云洲陰夜坐卽事詩擁山

為郭似盤中暝色初沉洞壑空峯頂星搖爭缺月樹巔禽動

竄深叢晴灘遠聽翻疑雨病葉微寒自起風此夜共分吟榻



料明朝珂馬軟塵紅所謂高秋獨眺晚霽孤吹○詩之所謂  
神助者如池塘生春草千古膾炙蓋出語天然自得造化之  
妙議論安敢到也後世文人往往自云有神助者宋楊徽之  
新霜染楓葉明月借蘆花之句雖自稱神助而謂之警聯可  
也豈可謂神助耶我東下春亭李良直白連天江郡晚暗黃  
浮地柳堤春鄭州陰雨氣壓霞山忽暝川華受月夜猶明西  
公亦皆務神助春亭寫景雖新未見其神處洲陰極有清虛  
之氣雖謂神助亦非過虛○湖陰白馬江詩別酒澆膏未消  
愁野橋分路到江頭城池坐失漁王陰圖籍曾聞漢將收花  
養尚傳崖口缺龍亡猶認鈎痕留寒潮強學靈胥怒龍送驚



濤殷枕樓霽峯詩病起因人作遠遊東風吹送歸舟山川  
鬱々前朝恨城郭蕭々半月愁當日落花餘翠壁至今巢燕  
繞紅樓傍人莫問溫家事吊古傷春易白頭湖陰詩雖極雄  
豪未若霽峯之清新高邁雖以劉夢得金陵懷古之詩必不  
多讓○古人贈僧詩多矣湖陰踏盡千山更萬山滿腔疑是  
碧筍頽他年縱未超三界猶與婆婆伴寶閣東臯詩白雲溼  
影古溪寒和月時々上石壇詩在山中自奇絕枉尋歧路太  
漫々東岳詩老年何事喜逢僧欲訪名山病未能花落矮簷  
春晝永夢中皆前碧曾々疎庵詩儒言實理釋言空冰炭難  
盛一甕中惟有秋山碧羅月上人清興與吾同鄭詩奇健李



詩清灑任詩超脫各臻其極奇、妙哉

詩評

○遠接使時金

侯伯醇為義州牧公到所串館寄詩云誰言文武進金少猶  
梨如今更賦詩腹有雄圖專節制手無難事遠施為賓進客  
散登樓夕夜帳燈殘念別時留滯玉關從古事明年先賀鳳  
凰池此集中所選者僕偶得此焉

松溪漫錄

○王天使詩箕子廟

仍有詩洲陰押師字鍛鍊盡日愈出愈溢當從事押之李正  
郎洪勇即應曰三仁雖異迹百世可同師以洲陰之才時或  
窘塞況其下者乎○王天使之來洲陰為遠接使天使同在  
龍潭湖陰贈訥庵頭聯云摩墨氣沮宜退舍製蘭心切共傳  
旄僕以沮之遠律索之公曰表字何如僕曰未若摧字之有



力也公曰汝真得之矣贈天使詩曰縹海春城餘萬里幾重  
雲樹隔煙微僕曰既着雲又着烟恐未穩改雲為春何如公  
曰汝言是矣到京城僕以春字意評于洞僚柳沆曰爾亦未  
之思也春樹之下着雲字可也烟則非本色語也僕歎服不  
已恨不得書雲字於皇華集中也同

姜堯誠

見

號醉竹湖亭詩江日晚未生蒼茫十里霧但聞柔櫓

聲不見舟行處余初不識其味嘗寓江亭一日早起開窓大  
霧漫空朝日黯輝不識舟行但聞柔輶之聲始覺其說景逼  
真權石州曉行時鴈鳴江月細曉行蘆葦間悠揚據鞍夢忽  
後到家山余竒其韻語未得其趣嘗何春川宿清平坡曉發



時值九月念後沿江一路盡是蘆葦晚月如眉獨鴈叫羣信  
馬垂鞭且行且睡始覺其模寫如畫而公詩價對景並高小

詩評

羅澁親有詩趣佳、遍盛唐中鄭諸老會于人家方咏葡萄畫

簇沉吟未就長吟澁號乘醉而空奪毫欲畫簇上主人欲止之

湖老曰置之長吟作二絕其一曰老猿失其羣落日枯槎上

兀坐首不回想聽十峰響湖老大加補賞因闕筆不賦孫谷

亦云此盛唐伊州歌法所謂截一句不得成篇者也惺史詩話

尹榮見抵先君事所語後日尹公誦一詩於先君曰此詩何如先

君答曰此兒詩也尹公大驚曰余昨夜夢遊一深洞白沙十



餘里月色如畫有一鷺聲聞其洞乃石門也遂作詩曰偶入

石門洞吟詩孤夜行月午溪沙白空山啼一鷺

五山說林

○尹公

長源未釋褐時一日坐小軒有一鮮衣奴持刺請謁而一官人衣冠容貌甚整麗長源曰此必誤也豈有官人之來其人曰必謁尹進士云長源乃請入坐定其人離席跪曰某有一事願塵左右惟囑不敢尹曰觀公狀貌類達官有何事來叩寒士其人曰張公王方為南陽府伯有婢能琴歌者通到京偶與邂逅因以鍾情眷、不忍別請寬於張公張公不許至請各卿書抵之終不許乃曰若得尹進士詩則吾當借與云故敢冒而來請仍袖出灑金紅花箋一幅進之曰願公不憚一揮



手勞以剗渴望尹笑曰何不以他詩為我作而進之其人曰  
公詩名振一世故張公必欲得之豈可以他詩欺之哉長源  
遂題一律曰寶鴨香消罷蘭堂客散初燈寒小屏暗月上半  
簾疎吐舌皆成妬中盟更怕虛郎君情似妾何惜百車碌  
碌  
畢贈之其人拜謝而去無何其人來謝曰張使君得詩大喜

即還琴姬笑其人述王孫云

山說林

金安國見贈星州妓倚枕香詩曰不論妍醜不論緣愛久令人

意自幸功近人情

松溪漫錄

李況

見

榮川浮石寺新羅大師義相所創也簷下有一樹莫知

其名俗僧傳以為大師拄杖始即入定之時植其杖於牕外



遂閉戶坐化後杖忽生柯葉開花甚繁至今十餘歲愈盛昔  
夸父擲杖成鄧林與此頗相類而此樹在於簷下不借雨露  
而能亨、獨立榮輝比鄧林尤異退溪有詩曰擢玉森、倚  
寺門僧言卓錫化靈根杖頭自有青溪水不借乾坤雨露恩

小華  
詩評

申光漢

見

送張同知彦良赴京詩云今日觀周吳李札舊時和

虜漢張騫蒞座不復下筆

松溪漫筆

○東國無猿古今詩人道猿

聲皆失也嘉靖丙午王行人鶴遊漢江有詩云緇尊隱浪浮  
春蟻長笛吹風嘯暮猿蓋乙巳張行人承憲奉誥命而來駱  
峯送迎江上今聞出楚國故其次行人韻下句云漢水已今



逢彩鳳楚雲何處聽啼猿無斧鑿痕最為警絕押官○古人

詩不厭改唐仕翻題台州寺云前峯月照前江水僧在翠微

閑竹房既去有人改前字為半字翻行數十里乃得半字並

回欲易以半江水見所改字歎曰台州有人我東中企齋宿

青溪寺題詩云急水喧溪石輕香濕澗花行至半途忽思得

時字後遂改意為暗蓋可見古人於詩不容易下字矣小華詩評

中企齋鄭湖陰一時齊名兩家氣格不同中詩清亮鄭詩雄

奇企齋沃原驛詩暇日鳴螺過海山驛亭寥落水雲間桃花

欲謝春無賴燕子初來客未還身遠尚堪唐北極路迷空復

憶長安更憐杜宇啼明月牕竹誰栽蔭萬竿企齋於詩各體



俱備湖陰獨善七律似不及企而洲嘗曰申公各體豈能  
敵吾一律哉企齋送人金剛詩一萬峰巒又二十海雲開出  
玉婢娟少因多病令傷老孤欠名山此百年柳月峯福泉寺  
詩落葉鳴廊夜雨懸佛燈明滅客無眠仙山一蹕傷蓬牖烏  
帽欺人二十年申詩傷其裹病柳詩歎其纏縛擺脫塵白致  
身名區若是之難乎兩詩格韻清切而柳詩起語尤警小萃詩評  
○以詩名世尤工七絕嘗過金叅判世弼舊居感作一絕曰  
當時逐客衆人存立馬東風獨斷魂烟雨介山寒食路不堪  
聞笛夕陽村寄送成遜齋世弼要和遜齋以爲詩固清絕而  
其用介山爲料者持因寒食而寓言爾豈真有此等山名邪



試走一蒼頭探訪則果有所謂介峴者距金居百里也逕齋  
擊節曰是果不可及矣遂停不和蓋詩家引事雖非上乘而

精視如申者未易得也逕齋補賞耳矣玄湖瑣談○駱峯詩清絕

有雅趣中秋舟泊長灘曰孤舟一泊荻花灣兩道澄江四面

山人世豈無今夜月百年難得此中看船上望三角山曰孤

舟一出廣凌津十五年來未死身我自有情如識面青山能

記舊時人過金公碩舊居曰同時逐客幾人存立馬東風獨

新詠見上三月三日寄朴大邱曰三十九年會舊物猶存

事獨違蒼草踏青今日是清樽浮白故人非風前鶯語聞初嫩

雨後花枝看亦稀茅洞丈夫多不俗可能無意典春衣篇



篇俱可誦雖雄奇不逮湘老而清暢過之

惺叟詩話

○謝學士蝴蝶

蝶詩曰狂隨柳絮有時見舞入梨花何處尋人呼謂謝蝴蝶

趙嘏秋夕詩曰殘星數點鴈橫塞長笛一聲人倚樓杜紫微

目之謂趙倚樓鄭谷鵲鵲詩曰雨昏青草洲邊過花落黃陵

廟東啼遊子乍聞征袖濕佳人綰唱翠眉低人謂之鄭鵲鵲

鮑當孤鴈詩天寒稻梁少萬里孤難進不惜充君厨為帶邊

城信時號鮑孤鴈余竊謂收隱長嘯倚風燈山青江自流之

詩可謂李風燈鄭知常木月江水何時盡別淚年々添灑波

之詩可謂鄭大同崔斯立眼穿落日長程晚多少行人近却

非之詩可謂崔眼穿中企齋江路大明聞犬吠小童來報主



人歸之詩可謂申江路○崔益岭耆叟居江陵鏡浦臺邊申  
企齋宰三陟時自鏡浦訪申第欲寄宿適值其出姑止外舍  
夜欲深有一火導人而來村犬皆吠崔家童報曰主人翁來  
笑未幾崔趨入問寒暄公作詩曰沙村日暮中柴扉夕露霏  
霏欲濕衣江路火明聞犬吠小童來報主人歸其後使閩東  
者多次其韻聯為大卷見者皆以企齋詩為絕唱過然年崔  
以繕二監後留滯京師者殆十年一日以詩卷示素善書生  
仍索其和韻乃題曰十年長淹故山扉塵土束華幾染衣想  
得鏡湖秋夜月子規應喚不如歸崔嬉笑曰此詩真我之針

石也

樸記



林亨秀

見原

錦湖風流豪逸詩亦翻、花低玉女酣觴面山斷蒼

虬飲海腰之句至今膾炙退溪酷愛之晚年輒思之曰安得

與林士秀相對乎

惺惺詩話

李達

見原

詩曰美荷閑摘葉臨水獨題詩松溪曰蓋閑摘荷葉題

詩其上之謂也以一語成兩句詩中之妙法也觀者詳之余

讀杜詩石欄斜點筆桐葉坐題詩知蓀谷之工於襲故也

胡齊

詩話

○題神勒寺詩曰宿鷺下秋沙晚蟬鳴古樹歸舟白蘋風

要落西潭雨李拙庵忠緯甫次其韻云日暮入招提棲禽驚

路樹山人知我乎舊宿前江雨時人互相優劣莫能定焉余

告拙庵則答曰達之詩誰使清高浮虛無處何足取哉此則



拙庵自許高於達也

漫錄

○宣明藍芳威字萬里以游擊將

軍士辰東授編朝鮮詩選此即王明濟子惠東來時所編不

知何故為藍氏有也多偽誤非善本也載李達步虛詞二曰

三角嵯峨拂紫綃散垂餘髮過纖腰須臾宴罷西王母一曲

驚笙內碧桃註曰三韓婦人盤髮為歸女子卷而垂于後然

威作椎髻餘則垂之故曰餘髮過纖腰云云余以為常見麻

姑像頂上作髻散垂餘髮此是步虛詞則何必專指東方女

子也蓋萬里見東方女兒辨髮錯解此詩也

漫錄

○蓬萊宰

江凌賓遇並之並之為人不檢邑人望之先子貽書勗之公

復曰桐花夜烟落梅樹春雲空之李達設若疎侍則何異於



陳王初喪應劉之日乎然醴稍不設蓋之留詩以辭曰行子  
去留際主人眉睫間朝來交黃氣坐久憶青山魯國鷄鶩饗  
南征意故還秋風蘓李子又出穆陵關公大如楠爰待之如  
初可見先輩朋友相親之義而其風流好才亦可以易得乎

惺叟詩話

○盧相見僧軸有孤竹及孫谷詩頷曰當代文章伯惟

楠李與崔蓋非遜辭也仲兄亦言李之詩自新羅以來法唐  
者無出其右嘗楠其中天竺鶴下秋霄千載孤雲已寂寥明  
月洞門流水在不知何處武陵橋之句以為不可及也

惺叟詩話

○我國文章以明宣為盛際孫谷出於庶孽以詩鳴世尤長  
於七絕殆遍唐調孤竹崔慶昌蓋桂子鄭之什並驅騷壇時



人以三唐稱之孫谷每欲一見金剛貧不能辦治行具常以  
為恨適往友人家見輕裘掛壁駿馬立廐謂主人曰欲往某  
人迎謁而所着甚薄且無所騎專恃來請主人果許之孫谷  
衣裘乘馬直出東城仍作金剛行題一詩曰乘君之馬衣君  
衣萬里關山去如飛悵悵此行無送別興仁門外故人稀以  
詩書於東城謂城下人曰後日若有來尋裘馬者以此指示  
其主在其次不遠送人于其家則其家亦不知去處數日後聞  
宋史城又尋之只有此詩遍踏諸勝累月而還來已繫馬則  
瘦矣錄仁句○少與荷谷相善一日往訪焉許筠適來睥睨孫  
蒼略無禮容談詩自若荷谷曰詩人在座卿君曾不聞知耶



請為試之即呼韻達應口而賦一絕其落句曰牆閣小梅開  
落盡春心移上杏花枝筠改客稱謝遂結為詩伴且如贈洲  
寺僧詩曰東湖停棹暫徑過楊柳悠々水光斜病客孤舟明  
月在老僧深院落花多傷心暗迷芳草堤鄉路迢々滿遠波  
獨坐計程雲海外不堪西日聽啼鴉絕似唐韻○常客遊帶  
方郡與白玉峯林白湖梁松叢登廣寒樓於酒席白湖先賦  
一律曰南浦微風生晚波晴煙低柳碧斜々山分仙府櫻舍  
好路入平蕪野色多千里更成京國夢一春空負故園花清  
尊話別新篇在却勝驪駒數曲歌孫谷次曰清溪雨後起微  
波楊柳陰々水光斜南浦一樽須盡醉東風三月已無多離



亭處、王孫草門巷家、枳殼花流落天涯為客久不堪中  
夜聽兵歎玉峯次曰畫欄西畔綠蘋波無限離情日欲斜芳  
草幾時行路盡青山何處白雲多孤舟夢裡滄溟事三月煙  
中上苑花樽酒易空人易散野禽如惡又如歌松巖次曰烏  
鵲橋頭春水波廣寒樓外柳絲斜風烟千古勝區在詩酒一  
場歡意多誰向離筵惡芳草行者歸騎踏落花天涯去住愁  
如織強把狂言發浩歌世傳諸公此遊通值國恤白湖以歌  
先唱欲害諸公玉峯之野禽如歌皆以為善押蓋林詩濃麗  
梁圓熟蘇谷玉峯逼唐而蘇谷詩首末兩句却半、不若玉  
峯之起結皆磊落新銳詩小評○我國西京有江湖樓觀之勝



士女絃管之娛使華冠蓋之到此者必留意忘返幾至於

沉溺荒亂者有之麗朝學士鄭知常詩兩歌長堤草色多送

君南浦動悲歎

餘見上

一世傳誦至今推為絕唱萬曆庚辰年

間崔慶昌嘉運為大同察訪徐益君受為平壤庚子皆詩人

也步其韻為採蓮曲崔詩曰水岸悠々楊柳多小船遙唱採

菱歌紅衣落盡西風起日暮空江生夕波徐詩曰南湖士女

採蓮多晚日艷粧相應歎不到盈裳不四棹有時遙渚沮風

波其後高敬命而順李達益之追和之高詩曰桃花晴浪席

邊多搖蕩蓮舟送棹歌醉倚紅粧應不忘小杭輕颺蹙生沙

李詩曰蓮葉參差蓮子多蓮花相問女郎歌來時約伴橫塘



口辛苦移舟逆上波俱是一代佳作而論者以李為最優

明

軟○崔孤竹以評事赴咸鏡道孫谷以塞下曲三首送之一

曰都尉分軍夜斫營漢家金鼓動邊城朝來更聽降胡說西  
下陰山有伏兵一時傳咏余嘗閱唐于鵠詩有度水逢胡說  
沙陰有伏兵之句權松溪遊海上人家有鴻飛語入閑之句  
余見何月湖環翠閣詩曰沙禽占水閑相趁語入疎簾靜却  
曰昔劉原父戲謂歐陽公曰永叔於韓文有公取竊取者公  
取者粗可數竊取者無數蓋松溪約七言兩句成五言一句  
只襲其意可謂竊取至如孫谷全勝古句略加數字要以一  
時驚人而止非公取竊取蓋發塚手也

詩話



趙士秀嘉靖壬寅以陳慰使回到山海關主事王應期以晚晴  
登眺春日郊行兩律詩送于松岡其登眺詩曰早時鳴雨曉  
細微忽有返照來荆扉山禽水禽交止語桃花李花相逐飛  
村、柳條弱欲斷家、麥苗青不稀睡起登樓時極目出雲  
歸窗願何違其郊行詩曰三月橫雲獨未歸荒花堤柳各依  
依且將弱柳牽行騎莫厭繁香點客衣蝶亂蜂喧從自得鳴  
黃沙白為誰飛平生謾有憐芳興關塞寥、萬事稀松岡卽  
次韻荅之其一曰作客他鄉賦式微一庭青草盡閑扉忽聞  
剝啄春眠覺長相煙雲碎玉飛綺語未嘗平日見清詞應識  
和人稀束歸謾荷馮璫既燕石慚投不敢違其一曰十里星



槎客未歸身同蓬櫟轉無依多情野水清如洗滿目遙山翠

染衣林塢日高花艷、柳堤風慢鳥倦飛菲才敢和陽春曲

盛事爭如此事稀主事覽曰真佳作也使生中國豈偶然

哉

稗官記 ○字季任生咸生世宗辛卯文系贊  
湖堂弘提文貞公號松岡楊州人

鄭涉咸陽武士自號竹溪其詩曰竹溪窮老謝簪纓卧看茲樓

病骨輕水鳥一聲山雨歇漏雲殘照半邊明雖業專在是何

以加此 中廟朝前中樞李思曾耽詩咸鏡一路中詩極有

樛亭者即其人也其詩亦可愛也

松溪漫錄

周怡浹人也朴增榮守浹川時治平第一周贈別曰萬口是碑

安用石一言為贖不須金古人之言曰君子贈人以言小人



贈人以金此一聯辭意尤妙

松溪漫錄

（字士安）

明宗朝內午文部事尚州人

成壽至佐幕時有一絕吾先君推為第一其詩云行來十里動  
經旬首盡東隅眼更新不識渺然滄海外有何天地有何人  
成公自洲西部事移關東故有除却俗離却外笑看楓

八十峯之句

說山

○

字德久

明宗已未

翰林禮部

號七峯初名純德呂寧人

朴忠元歐行人希援之回到江上從事官李正郎山海作詩三

篇送之其末篇曰蜀道難行一玩隨星軺西望疾如飛天涯

霸思迷芳草日下歸心遠紫微遼塞晚山當驛路荊門春雨

濕征衣慙慙為問新安老一滿雲泥夢亦稀註於詩下曰去

年以都監官送伴送新安許學士於江上聞與大人有年分



故云韓編修世能陳給事三模游漢江作詩朴判書忠元次  
韓詩韻又別作一詩曰儒仙憶昨海東遊準擬追塵上此樓  
徙倚湖山天若借登臨物色客全收虛門竒聞丁寧語實釋  
當時取次羞此望丰儀是何處舍香晁侍翠雲紫又題詩下  
曰忠元昔在丁卯叨忝遠接迎海嶽老先生于江上今又迎  
慰西大人于開京上大人招進于前傳海嶽老先生之寄詩  
是不忘昔年昵侍之意實海外鯁生一大榮幸故屬和高韻  
忘其僭越又次一律以寓區區之意而其不忘本國之士主

於次韻遠寄不亦鄭重乎

樸官( )字仲初中宗辛卯文官  
稭記( )吏判洲翰典文丙午生密



谷山人太宗辛卯文官密  
謚平節村月名作港勝  
地作卷五是一人

盟金手解

韓卷奉使到平壤妓有勝小蠻者色藝俱絕韓頗屬意州官令

蠻薦枕有他狎客怒韓醜老背燈而坐俄而逃去韓作詩云

平壤佳兒勝小蠻年纔二八玉容顏縱然未遂驚驚睡却勝

高唐夢裏省

平壤志

車執安判書瑋與先君有雅請先君作遊政園詩云無計能驅

午睡酣展圖爭擲喜難堪身兼將相期移晷睡取功名

在立談心上再思存懋德胸中一念戎盟金他年正色要如

此意舜君民不大慙

五山說林

○高城舊無臨觀

勝吾先君出

宰是邑也乃於衙舍後荆棘中得一絕勝平真高而亭之西

則皆骨山十峯在案東則大海數十里南歷南江數百步北



望三十六峯天下第一奇勝先君作記又作十絕滄海十咏  
而又跋之墨客多和之者韓石峯漢大書其額卽海山亭也  
許草堂晦寄詩曰聞說新開第一區海山高揭嶺東陬天慳  
地秘森呈露詩興何人浩莫收金鑒司添慶題曰今來始信  
難爲水此外誰言更有山方寸容他如許大茲行不在馬蹄  
閒尹梧陰詩曰三日湖中泛小舟一區形勝水雲悠書來重  
憶曾遊處三十六峯無盡收南公彦經詩曰秋月南江潤霜  
楓北嶺高夢魂長繞處蘆荻吹蕭々黃公允吉詩曰三十六  
峯九十湖四仙當日秘名區尋真斗覺塵襟淨身世還疑入  
畫圖餘不盡記鄭湖陰舊有南江立石龜巖三詩皆海山亭



所見也先君於原州牧使朴公處得板懸於亭南江詩曰壯  
遊窮後浦嘉賞復南江跋毫魚跳一衝人鴈起遶雲開天縱  
岳蓬缺日烘牕晚酌成堪醉霸愁又受降之石詩曰夸娥剗  
剗移山岳雪矗雲屯擲海中虎攫龍拏人偶立未應叢石擅

奇功龜巖詩曰驅馳天畔少知音感激登樓動月吟回首龜

峯碧雲合日邊無事獨關心

同上

○字敬叔中宗癸卯文官  
郡守能文花潭門人號頤

齊延  
安人

尹春年有詩鑑見先君一律曰君應讀杜詩也先君曰然其詩

曰缺乘醉宿江城白月千峰照春鵲獨夜鳴水村歸夢罷山

郭旅魂驚望帝春心托孤臣再拜情其後讀唐詩鼓吹作詩



示之尹公曰此有晚唐氣味所言皆中先君敬服乃贈先君  
詩 欲詩詩門誠一聽功夫著處自生靈青天日月昭々影

大山河歷々形春風和融陶萬物波濤涵 起滄溟留名

萬古非難事舉世沉冥也獨醒說五山 文官吏判號滄洲附

元衡削  
坡平人



					天 下 之 公 也 五 百 年 來 所 有 之 事 無 不 有 其 理 在 焉	
--	--	--	--	--	--	--







